


Preparashon pa e Último Yobida



Pastor B.E. Wagner

Preparashon



pa e Último Yobida

Pa: Pastor B.E. Wagner

Ministerio di Publikashon

Asosashon di Iglesianan Adventista na Korsou i Bonaire

Scalaweg # 3, Lantbuis Gaito

Tel.: 736-6900 — Fax.: 738-6902

Wepsite: curabbc.org

*E material aki ta di tik i un parti tradusí pa: **Jessica Margaretha,***

Redakshon Teologiko:

Ps. Servio Labasti

Ps. Elbert Presentacion

Ps. John William

Ps. Charlton Bruno

Imprimí pa: Mag Colors. Willemstad, Curaçao

Imprimí na Curaçao

Februari 2012

KONTENIDO

Introdukshon

I. KRISTU SU MENSAHE NA E REMANENTE

Pone atenshon na e konsehonan

Un krísis grandi ta bini

Hesus Su binida atrasá

Hesus Su suplika final

E strategia di satanas

Resistí e strategianan di satanas

Spièrtando e pueblo di Dios

E sakudimentu

Pone atenshon na e mensahe

Tin nesesidat di e yobida tempran awor

E poder transformadó di e Spiritu Santu

Un nesesidat grandi di e poder di e Spiritu Santu

Preparando pa risibí e yobida lat

Preparashon ta rekerí tempu i un esfuerso serio

Yobida tempran ta preparashon pa yobida lat

Preparando awor pa e ultimo yobida

E mente di Kristu

E ta nos ehèmpel

Sigui e ehèmpel di Hesus

Kristu tabata risibí boutismo di Spiritu Santu tur dia

Kiko e Spiritu Santu lo hasi pa nos

E amor di Dios

II. ENOK I JUAN BAUTISTA

Konosiendo Dios

Enok su ehèmpel

E eksperiensha di Enok mester bira di nos

Juan Bautista

E Spiritu Santu duna sin midi

E eksperiensha di Juan mester bira di nos

E ultimo yobida

E marka di e bestia

E prueba grandi

E ultimo yobida i e gritu duru

E seramentu di probashon

Hasi bon probecho di e tempu

Peliger nos dilanti

Un trampa di satanas

Ta nesesario un sakrifisio total

Posibilidatnan sin limite

Ata Mi ta para na e porta i ta bati

II. LISTA DI ABREVIATURANAN USA DEN E TRADUKSHON AKI

Introdukshon

E siguiente kompilashon di e sitanan for di Spiritu di Profesia dor di Pastor B.E. Wagner tabata usa den konekshon ku e estudionan duna na diferente iglesianan. Hopi petishon a ser risibí pa mas kopianan ku el a pensa pa pone nan disponibel. Un distribushon mas amplio di esaki tabata enkurashá dor di e personanan manera H.M.S. Richards, N.C. Wilson, R.A. Anderson, Walter Schubert i otronan.

Resientemente el a presentá e serienan aki den Reunion di Orashon na University Church. Nos ta felis pa hasi e kompilashon aki disponibel pa esnan ku ta deseá di studia e tema mas importante aki. Manera nos ta aserkando e tempu di kumplimentu di "E ultimo Yobida" siguramente nos ke ta prepará.

Nos ta konfia ku esaki lo ta un bendishon pa tur ku les'é.

Paul C. Heubach, antes predikador di University Church

I. KRISTU SU MENSAHE NA E REMANENTE

PONE ATENSHON NA E KONSEHONAN

E gran kontroversia entre Kristu i Satanas ta yegando na su fin; Satanas ta dirigiendo su forsan pa e ultimo aktuashon den e drama di historia humano.

Nos ta wòrdu bisa den Revelashon 12:12 (ultimo parti) " Ai di tera i laman, pasobra diabel a baha bin serka boso ku gran furia, sabiendo ku ta ked'e solamente un poko tempu mas."

1 Pedro 5:8 " Sea sobrio, sea alerta. Boso atversario, e diabel, ta kana rònt manera un leon ku ta gruña, buskando ken e por devorá."

Un mensahe similar ta duná dor di e mensahera di Señor na e miembronan di e iglesia remanente:

"Tempunan peligroso ta dilanti nos. Kada un ku tin un konosementu di e bèrdat mester spièrta i pone su mes, su kurpa, su alma i spiritu bou di e disiplina di Dios. E enemigu ta riba nos paso. Nos mester ta lantá, vigilando kontra dje. Nos mester bisti hinter e armadura di Dios. Nos mester sigui e direkshonnan duná dor di Spiritu di Profesia. Nos mester stima i obedesé e bèrdat pa e tempu aki. Esaki lo skapa nos di aseptá engañosan fuerte. Dios a papia ku nos dor di Su Palabra. Ela papia na nos dor di e Testimonionan pa e iglesia i dor di e bukinan ku ta yuda pa hasi kla, nos deber presente i e poseshon ku nos mester okupá awor. E spièrtamentu nan ku a wòrdu duna, liña pa liña, presepto riba presepto, mester pone atenshon na nan. Si nos despresiá nan, ki esküs nos por ofresé?" 8 T 298

"Mi ta presentá bo dilanti loke Señor a presentá na mi. Mi no ta skibi mi mes ideanan. Nan ta loke Dios a presentá na mi den vishon, ta rayonan bunita di lus ku ta bria for di e trono." Ibid., vol. 5, p. 67

E KRISIS BENIDERO

Den e oranan skur di historia di e mundu aki di bèrdat nos tin mester di kada rayo di lus ku ta bria for di e trono di Dios. Nos Sabi ku un gran krísis ta spera e mundu; pero nos ta lesa den e buki Testimonies, vol. 5 p. 711" ku un krísis grandi ta spera e pueblo di Dios."

"E krísis ta biniendo poko poko riba nos. Solo ta sali manera tur dia i e shelunan ainda ta deklará e gloria di Dios. Hende ta kome i bebe, planta i konstruí, kasa i duna na kasamentu ketu bai. Negoshantenan ta kumpra i bende ainda. Hendenan ta bringa ketu bai ku otro pa e lugá mas importante. Stimadó di plasernan ta den teaternan, den karedanan di kabai i den lugánan di hunga plaka. Tin yen di emoshon, pero e ora di probashon ta serando i desishon pa kada kaso ta wòrdu eternamente tuma. Satanas ta mira ku su tempu ta kòrtiku. Ela pone tur su agentenan na trabou asina ku hende por wòrdu gaña, okupá i enkantá te dia ku probashon lo sera i e porta di miserikórdia sera pa semper." Desire of Ages p. 636

"Un tormento ta biniendo sin piedat den su furia. Nos ta prepará pa kontr'é?" 8 T 315

"Tèstnan i pruebanan temeroso ta warda e pueblo di Dios"9 T 17 "Kada diskurso mester ta duná ku e sintimentu di e huisio teribel ku pronto lo kai riba e mundu.

E mensahe di bèrdat mester wòrdu proklamá pa lepnan ku a wòrdu toka pa e karbon bibu saká for di e altar divino. Mi kurason ta yená ku miedu ora mi pensa riba e mensahe suak di algun ministernan miéntras nos tin un mensahe di bida i morto. E ministernan ta drumi, e laikonan ta drumi i e mundu ta peresé den pika. Ohalá ku Dios por yuda Su pueblo pa nan lanta, kana i traha manera hòMBER i muhénan riba e grens di e mundu eterno." 8 T 36, 37

"Si kada sòldá di Kristu a hasi su deber.....mundu lo a tende e

mensahe di spièrtamentu. Pero e obra ta añanan atras."9 T 29

Si e propósito di Dios tabata wòrdu hasí dor di Su pueblo dunando e mensahe di miserikórdia na e mundu, Kristu lo a bini kaba na e mundu i e santunan lo a risibí nan bon bini den e stat di Dios. "6 T 450

Algun ta tentá pa bisa;"Si, pero un lei nashonal di djadumingu no a pasa ainda," nan por bien konsiderá e siguiente sita:

"Laga tin un reavivamentu di e fe i poder di e iglesia tempran i e spiritu di persekushon lo ta rebibá i e kandelanan di persekushon lo wòrdu sendí atrobe." The great Controversy p. 48

HESUS SU BINIDA ATRASA

Siendo ku e binida di Hesus a tarda pa asina tantu aña, lo nos no duna na e tempu aki estudio diligente i ku orashon na e kousa real pa e tardansa largu aki pa nos por prepará rápidamente pa purá Su binida?

"Si agensianan humano koperá ku agensianan Divino (Spiritu Santu i Angelnan) hopi, hopi almanan lo ta gana na e bèrdat. Pero Señor Su pueblo profesá ta drumi riba nan trabounan asigná."9 T 46

"E Spiritu Santu ta spera pa kanalnan dor di kua E por traha. Satanas lo no triunfá pa semper. E Spiritu di Dios lo ta basha riba e iglesianan tan pronto ku e vasnan ta prepará pa risibí."That I may know Him p. 330

"Mi a mira ku e remanente no tabata prepará pa loke ta bini riba tera. Bobedat manera den un estado letárgiko (un estado di flohera i indiferensha) ta parse di ta kologá riba mente di esnan ku ta profesá ku nan tin e ultimo mensahe. E angel ku tabata kompañá mi a grita ku un solemnidat teribel, `Prepará, Prepará, Prepará pasombra e rabia di Señor ta serka di bin. Su rabia lo wòrdu dramá sin miserikórdia i bosnan no ta kla. Kibra e kurason, no e pañanan. Un trabou grandí mester ser hasi pa e remanente. Hopi di nan ta lucha ku kosnan chikitu. E angel a bisa; "Legionnan di

angelnan malbado ta rònt di bo i ta tratando di hinka bo den nan skuridat teribel pa bo kai. Bo ta permití bo mente pa kita muchu lihé for di e obra di preparashon i e bèrdatan importante pa e ultimo dianan aki. I bo ta okupá bo mes ku kosnan chikitu, tratando pa splika na esaki òf esaya problemanan chikitu pa nan satisfakshon. Kòmbersashonnan ku ta tuma oranan ku ta pone bo pèrdè hopi tempu i e sirbidónan di Dios ta para ketu pa nan tende miéntras ku nan kurasonnan no ta someté pa grasía. Si orguyo i egoismo lo a wòrdu pone un banda, den sinku minut lo a resolvé tur problema. Angelnan ta sinti duele i Dios ta ofendí ku e oranan ku nos ta usa pa hustifiká nos mes. Mi a mira ku Dios lo no buk abou pa tende hustifikashonnan largu i E no ke pa Su sirbidónan tampoko hasié. I e oranan bunita ta bai, oranan ku mester wòrdu usa pa mostra pekadornan e kamindanan robes ku nan ta den i yuda pa saka nan alma for di kandela. Mi a mira ku Dios Su pueblo ta gosando i ku algun a pèrdè kasi kompleto e sentido di e tempu kòrtiku ku nos ta den i di e balor di nan alma. Orguyo a kruij dreña meimei di wardadónan di sabat. E orguyo di bistimentu i aparensha. E angel a bisa: "Wardadornan di sabat mester laga e ami muri, muri pa orguyo i amor pa aprobashon. Early Writings pp. 119, 120

Sinembargo nos ta sin esküs pasobra "e eventonan konektá ku e seramentu di probashon i e trabou pa preparashon pa e tempu di tróbel ta klaramente presentá." The Great Controversy p. 594

"Kasi tur ku ta profesá di kere bèrdat presente no ta prepará pa komprendé e obra di preparashon pa e tempu aki." 1 T 466

Kristu e Berdadero Testigu (Revelashon 1:5) a manda un mensahe na e iglesia di Laodisea ku si paga atenshon na dje lo prepará nos pa e Ultimo Yobida

HESUS SU SUPLIKA FINAL

E mensahe na e iglesia di Laodisea ta un kondenashon asombroso i ta aplikabel na Dios Su pueblo den e tempu presente. 3T 252

"I Skirbi na e angel di e iglesia di Laodisea:

"E Amèn, e Testigu fiel i berdadero, e Prinsipio di e kreashon di Dios, ta bisa esaki: Mi konos'é bo obranan, ku bo no ta ni friu ni kayente; mara bo tabata friu òf kayente. Asina anto, pasobra bo ta lou i ni kayente ni friu, lo Mi skupi bo for di Mi boka. Pasobra bo ta bisa: "Mi ta riku, mi ta bon para i mi no tin mester di nada," i bo no sa ku bo ta deplorabel i miserabel, pober, siegu i sunu. Mi ta konsehá bo pa bo kumpra serka Mi oro refiná den kandela, pa bo bira riku; i paña blanku pa bo bisti i pa e bèrgwensa di bo sunu no Sali na kla; i ungwento pa hunta bo wowonan kuné pa bo mira. Esnan ku Mi ta stima, Mi ta reprendé i disiplina; p'esei sea ferviente i repentí. Ata, Mi ta para na porta i ta bati; si un hende tende Mi bos i habri porta lo Mi dreña serka dje i lo sena kuné i e ku Mi. Esun ku vense, lo Mi permit' e sinta huntú ku Mi riba Mi trono, meskos ku Ami tambe a vense i a sinta huntú ku Mi Tata riba Su trono." Revelashon 3:14-21

"Ki desepshon mas grandi e mente humano por sufri ora nan tin e konfiansa ku nan tin rason pero enbèdat nan ta kompletamente den eror. E mensahe di e Testigu Berdadero ta haña e pueblo di Dios den un desepshon tristu, pero honesto den nan eror. Nan no sa ku nan kondishon ta deplorabel den e bista di Dios. Ora nan ta halsa nan mes pensando ku nan ta den un bon kondishon spiritual, e mensahe di e Testigu Berdadero ta kita nan seguridat dor di alerta nan di nan kondishon berdadero kual ta e kondishon di siegu spiritual, pobresa i miseria. E testimonio asina severo i grave no por wòrdu komprondé robes pasombra ta e Testigu Berdadero ta papia i Su testimonio mester ta korekto." 3 T 252

E mensahe di Laodisea ta un berdadero kuadro di kondishon spiritual di e iglesia remanente durante e ultimo dianan di historia di e mundu i ta Kristu Su apelashon final na e remanente promé

ku e seramentu di probashon. E rason pa e estado teribel i tibio di Laodisea ta pasombra e ami ta reina den e kurason i Kristu ta tene pafó di e porta.

E mensabe di Laodisea ta un "denunsiashon asombroso" 1 JT 327 tòg e ta un mensabe di amor. E ta un apelashon di amor for di un gran Amante. Si nos skucha e konseho di e Berdadero Testigu i habri e porta di kurason asina ku Kristu dor di Su representante, e Spiritu Santu, por drehta, nos lo haña poder Divino pa vense kada opstákulo i gosa di e gran privilegio di sinta ku Kristu den Su trono.

Laga nos studia ku orashon e siguiente sitanan di e pen di e mensahera di Dios riba e tema di mas vital unda ta kologá nos destino eterno.

"Ta dor di e Spiritu ku Kristu ta biba den nos i e Spiritu di Dios risibí den e kurason pa medio di fe, ta kuminsamentu di bida eterno." The Desire of Ages p. 388

"E konseho di e Berdadero Testigu no ta representá esnan ku ta tibio komo den un estado sin speransa. Ainda tin un chèns pa remediá nan estado i e mensahe di Laodisea ta yen di enkurashamentu." RH 28-8-1894

"E spièrtamentu pa e ultimo iglesia tambe mester ta proklamá na tur esnan ku ta yama nan mes kristian. E mensahe di Laodisea, manera un spada di dos fila, mester bai na tur e iglesianan. Ta nos trabou pa proklamá e mensahe. Nos ta hasiendo tur esfuerso asina ku e iglesianan por ta spièrta?" 6 T 77

`Ki preparativo esakinan (e Adventistanan yen di fayó) lo hasi ku e mensahe di e Berdadero Testigu na e Laodiseanan? No por tin desepshon aki. E mensahe aki mester ta hiba na un iglesia tibio dor di Dios Su sirbidónan. E mester spièrta Su pueblo for di nan siguridat i desepshon peligroso en kuantu nan berdadero posishon dilanti Dios. E testimonio aki si e wòrdu risibí, lo spièrta na akshon i humiashon di e ami i konfeshon di pikanan. 3 T 259

"E peliger grandi di hende ta di ser engańá dor di su mes" The Ministry of Healing p. 455

"E uniko speransa pa e Laodiseanan ta un bista kla di nan posishon dilanti Dios, un konosementu di e naturalesa di nan enfermedat. Nan no ta ni friu ni kayente; nan ta okupá un posishon neutral i na e mes tempu ta engańá nan mes ku nan no tin mester di nada." 4 T 87

"Kiko lo mi bisa pa spièrta e pueblo remanente di Dios? Mi a wòrdu muestra ku tin esenan teribel dilanti nos; Satanás i su angelnan ta trese tur nan podernan pa karga riba e pueblo di Dios. E sabi ku si nan drumi un poko mas e tin sigur di nan pasobra nan destrukshon ta sigur." 1 T 263

Pakiko e remanente no ta prepará pa duna e mensahe di e terser angel ku gran poder durante e ora lat di historia di e mundu? E siguiente sita ta revelá e strategia dje enemigu.

E STRATEGIA DI SATANAS

"Satanás lo prevení nan (e pueblo di Dios), si ta pusibel, di hańa preparashon pa para den e dia ei. Lo e regla asuntunan di tal manera pa sera nan kamindanan, envolví nan den tesoronan mundano, laga nan hiba karganan pisa di kansansio, asina ku nan kurasonnan por ta sobrekargá ku kosnan di e bida i e dia di huisio bini riba nan meskos ku un ladron." The Great controversy pp. 625, 626

"E podernan di satanas ta obrando pa tene mentenan for di realidat nan eterno. E enemigu a regla asuntunan pa benefisiá su propio propósitonan. Negoshi mundano, sport, e moda di awendia, esakinan ta okupá mente di hòMBER i muhé." 9 T 43

"Nos mester bira for di miles di tópikonan ku ta eksigí nos atenshon. Tin asuntunan ku ta tuma tempu i lanta pregunta, pero

ta kaba den nada. E interes mas haltu ta demanda tur e atenshon i energia ku hopi bes ta duna na kosnan komparativamente insignifikante... Nos mester sinti nos responsabilidat pa duna nos alma kuminda ku lo alimentá i stimulá bida spiritual." 8 T 316

"Hende tin inklinashonnan natural pa sigui sugerenshanan di satanas i e no por resistí ku éksito un enemigu asina teribel a ménos Kristu, e Poderoso Konkistador, biba den dje, guiando su deseonan i dunando e forsa Satanas ta preparando su desepshonnan ku den su ultimo kampaña kontra e pueblo di Dios nan lo no por komprendé ku ta e. (2 Korintionan 11:14)" 1 T 341

"E enemigu vigilante aki ta riba nan kaminda kada momentu." The Great Controversy p. 508

"Angelnan malbado ta riba nos kaminda kada momentu." 1 T 302

RESISTI E STRATEGIANAN DI SATANAS

"Mi ta bisa na tur, vigilá; pasobra komo un angel di lus satanas ta kana den kada asamblea di obreronan kristian, den kada iglesia tratando pa gana miembronan na su banda." 8 T 294

"No tin nada ku satanas ta teme mas ku ora ku e pueblo di Dios habri e kaminda dor di kita kada opstákulo asina ku Señor por basha Su Spiritu." COR 149

"Un bataya konstante mester ta mantené kontra e egoismo i korupshon di e kurason humano Esnan ku lubidá Dios maske ta pa un ora òf un momentu, ta den un kaminda peligroso." 5 T 397

"Ki ora ku un kristian no ta vigilá, e atversario poderoso aki ta hasi un atake diripiente i violento." 5 T 394

Un terser parti di e angelnan di shelu a wòrdu gaña. Eva i Kain, nan primogenito, tur a wòrdu gañá. Tur hende ménos ocho a wòrdu gañá nan tempu di e diluvio. Hopi di e lidernan religioso den e tempu di Kristu a wòrdu gañá, maske nan a mira e Yu di Dios hasi algun di Su milagernan di mas grandi.

"Mi a wòrdu muestra ku satanas no a pèrdè tempu i deskuidá tur e añanan for despues di su kaida pero e tabata siñando. E tabata perfekshoná su arte. Su plannan a bira mas stabil i nan ta wòrdu kubri mas mihó ku e paña religioso pa skonde nan deformidat. E poder di satanas pa tenta i gaña ta 10 biaha mas grandi ku e tabata den e dianan di e apòstelnan. Su poder a krese i lo e sigui krese te ora e wòrdu kita for di dje. Su rabia i su odio ta bira mas i mas fuerte segun ku su tempu ta kabando.

Dios sa kon satanas ta trahando i E ta manda Su angelnan pa kuida Su yunan i pa protehá nan for di e poder di satanas. Tin un bataya konstantemente entre e angelnan di Dios i e angelnan di diabel. E angelnan di Dios ta bistí ku e armadura kompletu, e paña di shelu i aunke nan ta rondoná pa enemigunan mortal, nan no tin miedu pasombra nan ta kumpli ku e mandato di nan Komandante stimá. Nan ta dreña den e lugánan suku pa reskatá e yunan di Dios for di e trampanan di satanas i e presensia di e angelnan di Dios ta pone ku e angelnan malu ta bek. I dor ku e angelnan malbado ta wòrdu derota nan ta maldishoná Dios bisando ku E ta inhustu i ta kontra e angelnan di Dios." 2SG 277

Lo e engaña si ta posibel hasta e skohinan (Mateo 24:24).

"Dor di e oumento di e poder di e tentashonnan di satanas, e tempu den kual nos ta biba ta yen di peligernan pa e yunan di Dios." Counsels to Parents and Teachers p. 322

"No importá kon haltu nos rango, nos mester vigilá i resa konstantemente. Nos mester ta kontrolá diariamente dor di e Spiritu di Dios òf nos ta kontrolá dor di satanas. 5 T 102

E iglesia a haña atvertensha tras di atvertensha. E debèrnan i peligernan pa e pueblo di Dios ya a wòrdu klaramente revelá. Pero e kosnan di mundu ta hala demasiado duru. Kustumbernan, práktikanan i moda ku ta hala e alma for di Dios tin añanan ta gana tereno apesar di tur e atvertenshanan i e suplikanan di e Spiritu Santu. Te ora ku nan mal kamindanan a bira bon den nan mes bista i ku e bos di Spiritu Santu no ta wòrdu tende mas. Ningun hende no por bisa kon leu lo e bai den pika ora e entrega su mes den e poder di e gañadó. Satanas a dreña den Hudas Iskariot i a dirigie pa e traishoná Señor. Satanas a guia Ananias i Safira pa gaña e Spiritu Santu.

Esnan ku no ta kompletamente konsagrá na Dios por wòrdu guia pa hasi e obra di satanas miéntras ku nan ta gaña nan mes ku nan ta den servisio di Kristu." 5 T 103

"Satanas ta tuma kontról di kada mente ku no ta desididamente bou di kontròl di e Spiritu di Dios." TM 79

"Poko ta kere ku nan alma i kurason ku nos tin un fièrnu pa evitá i un shelu pa gana." The Desire of Ages p. 636

Resa sin stop. 1 Tesalonisensenan 5:17

"E orashon di fe kontinu i sinsero lo trese lus na nos i forsa pa wanta e atakenan mas feros di satanas." The Suffering of Christ p. 8

"Seriedat intenso mester tuma poseshon di nos awor." 9 T 44

SPIERTANDO E PUEBLO DI DIOS

Laga nos medità riba e komentarianan divino riba e mensabe na e Laodiseanan.

Lo bo skucha na e konseho di e Berdadero Testigu pa buska e oro purba den kandela, e bisti blanku i e ungwento di wowo? E oro ta fe i amor, e bisti blanku ta e hustisia di Kristu i e ungwento di wowo ta e distinsjon spiritual ku lo kapasità bo di mira e trikinan di Satanás i evitá nan, pa detektá pika i aboresé, pa mira bèrdat i obedesé." 5 T 233

Pero hopi no ta apresíá e echu ku nan tin mester di e ungmentu selestial. E nòmber 'bírgennan bobo' ta representá e karakter di esnan ku no tin e obra berdadero di kurason hasi dor di e Spiritu di Dios. E binida di Kristu no ta kambia e bírgennan bobo den esnan sabi E estado di e iglesia representá pa e bírgennan bobo ta mesun estado di Laodisea." RH 19-8-1890

"E mensahe di Laodisea ta apliká na e pueblo di Dios ku ta profesá di kere e bèrdat presente. E parti di mas grandi ta profesornan tibio teniendo un nòmber pero nada di selo Nan no ta voluntario pa laga e ami muri." 4 T 87

"Mi a wòrdu muestra ku e testimonio na e Laodiseanan ta apliká na e pueblo di Dios na e tempu presente E ta designa pa spièrta e pueblo di Dios, pa muestra nan desviamentu i pa hiba nan na repentimentu ku selo asina ku nan por ta faboresé ku e presensia di Hesus i nan por ta kualifiká pa e gritu di e terser angel." 1 T 186

E SAKUDIMENTU

E sitanan ku nos a pasa ei ta hasié kla, ku dor di duna oido na e mensahe di Laodisea e pueblo di Dios lo ta prepará pa proklamá e mensahe di e terser angel ku gran poder durante e Ultimo Yobida. Sin embargo Laodiseanan ku no realisá nan pobresa spiritual i no ta boluntario pa sigui e konseho di Kristu, e Berdadero Testigu, lo ta sagudí.

Mi a puntra e nifikashon di e sagudimentu ku mi a mira i mi a wòrdi mustra ku lo e ta okashoná dor di e testimonio rekto hasi dor di e konseho di e Berdadero testigu na e Laodiseanan. Esaki lo tin su efekto riba kurason di esun ku ta risibi i lo gui'é pa eksaltá e stándarte i sigui prediká e bèrdat rekto. Algun lo no wanta e testimonio rekto aki. Nan lo lanta kontra dje i esaki ta loke ta kousa e sagudimentu entre Dios Su pueblo.

"Mi a mira ku no a pone ni mitar atenshon na testimonio dje Berdadero Testigu. E testimonio solèm riba kual destino dje iglesia ta kologá tabata haña poko balor òf ela wòrdi pone kompletamente un banda. E testimonio aki mester obra repentimentu profundo; tur ku risibié berdaderamente lo obedesé i wòrdi purifiká." Early Writings 270

PONE ATENSHON NA E MENSAHE

Si nos obedesé e ultimo mensahe aki na e remanente, nos lo no ta sagudí Ora e lei nashonal di djadumingu bini na vigor nos lo wanta e gran tèst, eksperiensha e Ultimo Yobida i aktua dunando e mensahe ku gran poder durante e gritu duru. E fiel remanente lo sigui e konseho di Kristu, e Berdadero Testigu. Nan lo krusifiká e ami, ser transformá dor di Spiritu Santu, kalifiká pa e Ultimo Yobida i pa trasladashon.

"Esnan ku pone nan mes bou di e kontról di Dios pa wòrdi guia i dirigí dor di dj'E lo haña sa e pasonan konstante di eventonan apuntá dor di dj'E pa tuma lugá. Inspirá ku Spiritu di Esun ku a duna Su bida pa e bida di e mundu, nan lo no para mas sin poder

mustrandu loke nan no por hasi. Bisti ku e armadura di shelu nan lo bai guera, dispuesto pa hasi tur loke Dios ke sabiendo ku Su omnipotensia lo kumpli ku nan nesesidat." 7 T 14

"Dios lo hasi e obra si nos dun'E e instrumèntnan." 9 T 107

"Riba nos tin e responsabilidat pisa di spièrta e mundu di su kondenashon binidero. For di kada direkshon, for di serka i leu, ta bini yamadanan pa yudansa. Dios ta yama Su iglesia pa lanta i bisti su mes ku poder.

Koronanan inmortal ta spera pa wòrdu gana, e reino di shelu por ser haña, e mundu peresiendo den ignoransha mester wòrdu lusa. 7 T 16

Sigun e mensahe di e terser angel bira un gritu duru, gran poder i gloria lo asistí su proklamashon. E karanan di e pueblo di Dios lo lombra ku e lus di shelu." 7 T 17

Ki un oportunitat glorioso. Mira sigur ku huntu ku mi bo ta determiná pa obedesé e mensahe di Laodisea, laga e ami muri diariamente , permití

Spiritu Santu tin kontrol kompletu di bo bida asina ku bo por ta prepará pronto pa e Ultimo Yobida i aktua bo parti dunando e mensahe obligador durante e Gritu Duru.

TIN NESESIDAT DI E JOBIDA TEMPRAN AWOR

"Henter universo ta wak ku interes ineksplikabel esenan di seramentu di e gran konflikto entre bon i malu. E pueblo di Dios ta aserkando e grensnan di e mundu eterno." Prophets and Kings p. 148

E mensahe aki a kuminsá na tempu den kumplimentu ku profesia i lo e wòrdu kaba. Dios lo terminá e obra (Romanonan 9:28) ku bo i ku mi òf ku otro nan si nos no ke. E Spiritu Santu ta duna servisio, no pa e trabou di nos skohementu, pero pa e trabou ku Dios ta yama nos pa hasi.

Kristu a primintí e regalo di Spiritu Santu na Su iglesia i e promesa ta pertenesé na nos meskos ku na e promé disipelnan. Pero manera tur otro promesanan e tin un kondishon mara na dje. Tin hopinan ku ta kere i profesá ku nan por reklamá e promesanan di Señor dor ku nan ta papia tokante Kristu i Spiritu Santu, pero nan no ta haña ningun benefisio. Nan no a someté e alma pa wòrdu guia i kontrolá pa agensianan divino. Nos no por usa e Spiritu Santu. E Spiritu Santu mester usa nos. Dor di e Spiritu, Dios ta obra den Su pueblo `pa hasi loke ta agrad'E'(Filipensenan 2:13). Pero hopi no ta someté nan mes. Nan kier hasi nan mes boluntat. Ta p'esei nan no ta risibí e regalo di shelu. Solamente esnan ku spera ku humildat riba Señor, ku ta spera riba Su guiansa i grasia, lo risibí e Spiritu. E poder di Dios ta warda pa nan pidi. E bendishon primintí aki, pidi ku fe, lo trese tur otro bendishon nan huntu ku n'e. E ta wòrdu duna konforme na e rikesanan di e grasia di Dios, i E ta kla pa dun'é pa kada alma konforme e kapasidat pa risibié. DA 672

E PODER TRANSFORMADÓ DI E SPIRITU SANTU

Si nos no ta boluntario pa laga e Spiritu Santu hasi Su boluntat den nos bida anto nos ta obrando den energia di e karni i no den poder di e Spiritu. *I kiko lo ta e resultado? Aki tin e kontesta di Dios:*

"Sin e Spiritu i poder di Dios lo ta enbano pa nos traha pa presentá e bèrdat." 5 T 158

E ultimo palabranan di Hesus promé ku El a subi na shelu mester zona konstantemente den nos orea. `Ma boso lo risibí poder ora Spiritu Santu bin riba boso, i boso lo ta Mi testigunan na Yerusalèm i na henter Judea i Samaria i te na e parti mas alehá di mundu.' Echonan 1:8

"Kristu e gran Maestro tabatin un variedat grandi di temanan pa e skohe for di dje, pero esun ku Ela elaborá mas riba dje tabata e

bashamentu di e Spiritu Santu. Ki kosnan grandi El a predisi pa e iglesia dor di e bashamentu aki. Tòg kual tema awe nos ta paga ménos atenshon na dje?" 1 Selected Messages p. 156

"Hende mester di un poder pafó i mas aya di su mes pa restor'é segun e imágen di Dios i kapasit'é pa hasi e obra di Dios, pero esaki no ta hasi e agensia humano innesesario. Humanidat mester tene duru na poder divino. Kristu ta biba den e kurason dor di fe i dor di koperashon ku e Divino e poder di hende ta bira efisiente pa hasi bon.

E ku a yama e piskadónan di Galilea ainda ta yama hende den Su servisio. I E ta mes boluntario pa manifestá Su poder dor di nos meskos ku e promé disipelnan." The Desire of Ages p. 296, 297

"Nos por ta prepará pa shelu solamente dor di e obra di e Spiritu Santu riba e kurason, pasombra nos mester tin e hustisia di Kristu komo nos kredensial si nos ke aksesu na e Tata. Pa nos tin e hustisia di Kristu nos mester ta transformá diariamente dor di influensha dje Spiritu pa nos por ta partísipe dje naturalesa divino. Ta e obra di Spiritu Santu pa elevá e deseo, santifiká e kurason i pa enoblese e hende kompletu." 1 Selected Messages p. 374

Satanas lo trata na stroba e bashamentu di e Spiritu Santu dor di introdusí un falsu. (Lesá CS 517)

Pa hopi añanan nos a mira hopi pruebanan dje falsu. Siendo ku e ora ta asina lat, lo no tin mester di pruebanan abundante di esun real? E nesesidat mas grandi di mundu awe ta pa mira manifestashon dje poder transformadó di e Spiritu Santu den bida di esnan ku ta profesa di ta duna e último mensabe di spièrtamentu.

Pa añanan hopi a sinti e nesesidat aki. Aki tin un par di sitanan tuma for di un seri di lekturanan duna riba Evangelismo na 1952 dor di William Ward Ayer na un grupo grandi di studiantenan di teologia na Bob Jones University i skibi den un buki yama VLAM PA E ALTAR:

Nos tin mester di un profeta. Nos tin mester di un Elias... P'esei nos ta puntra for di kuminsamentu: "Unda ta e Señor di Elias?" ...

Den e ora trágiko i solèm aki, e tempu di krísis di historia... e iglesia ta pasivo, sperando meskos ku un hòmber impotente na e awa di Betesda....E nesésidat dje iglesianan ta e Spiritu i poder di Elias. Nan mester someté nan mes na e Señor Dios di Elias te ora E yena nan ku e Spiritu i poder ei... Mi no ta eksagerá ora mi bisa ku e gran mayoria dje iglesia a faya miserablemente di guia e hendenan di nos komunidad na e bèrdat di Dios.

Predikadornan mester zona e mandato; "Boso ta Mi testigunan" te ora ku e hendenan spierá for di nan soño profundo i kuminsá pa gana esnan pèrdi

Un bende a yega di bisa: "Awor e iglesia ta bou di kandela ora e mester ta na kandela"

Den un karta personal fecha 1 Novèmber 1942, un vise presidente di e Konferensha General (awor drumi) a skibi:

Mi ta kere ruman Wagner ku e uniko kos ku ta stroba kabamentu dje obra awor ta falta di konsagrashon profundo i un obra mas profundo di grasia den kurason di nos miembronan tur kaminda. Si nos obreronan i miembronan di iglesia tabata loko nan mester ta, e bashamentu kompletu dje Ultimo Yobida lo bin i e mensabe lo plama manera kandela di mondi.

E falta di poder di Ultimo Yobida durante e ora lat aki mester humiá nos kurason i obligá nos pa sigui fiel e konseho di Kristu na e Loadiseanan asina ku nos por ta prepará rápidamente pa eksperiensha e 'refreskamentu' i ta kla pa aktua nos parti dunando e mensabe ora lo e ta proklamá ku gran poder durante e 'Gritu Duru'.

Apesar di e kaida di fe i piedat, ainda tin siguidó nan berdadero di Kristu den e iglesia aki. Promé ku e Ultimo bishita di Dios Su huisio riba tera lo bai tin entre e pueblo di Dios un reavamentu ku no a mira for di tempu di e apóstelnan. E Spiritu i e poder di Dios lo wòrdu basha ariba Su yunan.

Na e tempu ei hopi lo separá for di e iglesianan kaminda e amor pa e mundu aki ta na lugá di e amor di Dios i pa Su palabra. Hopi, pastornan i e miembronan, lo aseptá e gran bèrdad ku Dios a bisa pa wòrdu proklamá na e tempu aki pa prepará e pueblo pa Dios Su segundo binida. E enemigu di e alma ta deseá pa stroba e trabou i promé ku e movimentu aki kuminsá lo e trata na strob'é dor di bin ku un falsu. Den e iglesianan ku e tin bou di su poder di engaño, e lo aparentá ku ta Dios Su bendishon speshal ta bashando i lo parse ku tin un interes grandi den kosnan religioso.

Multitutnan lo tin goso keriendo ku ta Dios Su trabou maravioso riba nan, ora ku ta trabou di un otro spiritu.

Bou di un disfras religioso, satanas lo sigui ekstendé su influensha riba e mundu kristian.' The great Controversy p. 464

UN NESESIDAT GRANDI DI E PODER DI E SPIRITU SANTU

E siguiente sitanan for di Spiritu di Profesia ta revelá pakiko e Ultimo Yobida a tarda asina tantu i kiko nos mester hasi den preparashon pa duna e mensabe aki ku gran poder.

"Mi a wòrdu mostra ku e pueblo di Dios tabata spera pa un kambio tuma lugá — pa un poder obligatorio poseé nan. Pero nan lo ta desapuntá, pasobra nan ta robes. Nan mester aktua, nan mester tuma e trabou nan mes i sinseramente roga na Dios pa un berdadero konosementu di nan mes. E esenanen ku ta pasando nos dilanti ta basta importante pa kousa nos pa spièrta i urgí e bèrdad na kurason na tur esnan ku lo skucha." 2 T 261

"Mi a wòrdu mostra ku si e pueblo di Dios no hasi esfuerso di nan parti pero spera pa e refreskamentu bini riba nan i kita tur nan malunan i koregí nan erornan, si nan dependé riba esei pa purifiká nan for di sushedat di karni i Spiritu i kapasitá nan pa tuma parti den e gritu duru dje terser angel, nan lo haña fayó." 2 T 619

"Hopi a faya na gran midi pa risibí e promé yobida. Nan no a optené tur e benefishinan ku Dios a proveé pa nan di tal manera. Nan ta spera ku loke falta lo wòrdu proveé pa e ultimo yobida. Ora e abundansha mas riku di grasia ta duna nan tin intenshon pa habri kurason pa risibí. Nan ta hasiendo un fout teribel.... Si nos no progresá, si nos no pone nos mes den un akтитut pa risibí tantu e promé komo e ultimo yobida, nos lo pèrdè nos alma i e responsabilidat lo ta di nos mes." Testimonies to Ministers p. 507, 508

PREPARANDO PA RISIBI E YOBIDA LAT

E Spiritu Santu den e promé yobida ta purifiká i transformá nos te ora nos vense i baña viktoria riba tur punto. Esaki ta e preparashon ku nos mester hasi promé ku nos ta kla pa risible ultimo yobida.

"Awe bo mester entrega bo mes na Dios asina ku bo por kita e ami, kita e envidia, e yalursheit, e inklinashon pa hasi malu, e lucha, tur kos ku ta deshonra Dios. Awe bo mester purifiká bo vas pa e por ta kla pa risibí e serena for di shelu, kla pa e awa di ultimo yobida, pasobra e ultimo yobida lo bin i e bendishon di Dios lo yena kada alma ku ta purifiká di tur sushedat. Ta nos trabou awe di someté nos alma na Kristu pa nos por ta prepará pa e tempu di refreshamentu. Nos por ta prepará pa e boutismo di e Spiritu Santu." God's Amazing Grace" p. 205

"Ta keda na nos pa remediá e defektonan di nos karakter, pa limpia e tèmpel di alma di kada shushedat. Anto e ultimo yobida lo kai riba nos meskos ku e promé yobida a kai riba e disipelnan riba e dia di Pentekostes." 5 T 214

"Esnan ku sobresalí riba tur punto i wanta tur tèst i vense, sea kiko e preis ta i a obedesé e konseho dje Berdadero Testigu nan lo risibí e ultimo yobida, ku ta kapasitá nan pa traslado." 1 T 187

PREPARASHON TA REKIRI TEMPU I UN ESFUERSO SERIO

"Mi a mira ku hopi tabata neglighá e preparashon asina nesenario i tabata mirando na e tempu di `refreskamentu' i e `ultimo yobida' pa kapasitá nan pa para riba e dia di Señor i pa biba den Su presensha. O, kuantu mi a mira para den tempu di tròbel sin kaminda di skonde.

Nan a neglighá e preparashon nesenario; p'esei nan no por risibí e refreskamentu ku tur mester tin pa kapasitá nan pa biba den bista di un Dios santu. Esnan ku nínga di wòrdu transformá dor di e siñansanan di e profetanan i faya di purifiká nan almanan den obedesé e bèrdat, ku ta dispuesto na kere ku nan kondishon ta mihó di loke e ta, lo yega na e kaimentu di plaganan i lo ripara e ora ei numa ku nan mester wòrdu transformá. Pero lo no tin tempu mas pa hasi esei i lo no tin Mediator mas pa bringa nan kaso dilanti di e Tata. Promé ku e tempu aki yega, ya a wòrdu deklará kaba: "Esun ku ta inhustu lag'é sigui hasi inhustisia, esun ku ta shushi lag'é keda shushi, esun ku ta hustu lag'é sigui hasi hustisia i esun ku ta santu lag'é keda santu." Mi a mira ku ningun por kompartí den e refreskamentu a ménos nan optené e viktoria riba kada difikultat, riba orguyo, egoismo, amor di mundu i riba kada palabra robes i akshon. Ta p'esei nos mester hala serka mas serka di Señor i buskando seriamente pa hasi preparashonnan nesenario ku ta permití nos para den e bataya riba e dia di Señor. Laga nos tur kòrda ku Dios ta santu i ku nada otro sino hendenan santu por para den Su presensia. " Early Writings p. 71

"Mi tabata mustra ku testimonio dje Laodiseanan ta aplikabel na e tempu presente i e motibu ku e no a realisá un trabou mas grandi ta pa duresa di e kurason. Pero Dios a duna e mensahe tempu pa kumpli ku su trabou. E kurason mester wòrdu purifiká for di pika ku pa hopi tempu a sera Hesus afó. E tremendo mensahe mester hasi su trabou. Ora ela wòrdu presentá pa promé biaha ela hiba na un revishon profundo di e kurason. Pikanan a wòrdu konfesá i e hendenan di Dios tabata move tur kaminda. Kasi tur tabata kere

ku e mensahe aki lo kaba den e gritu duru di e di tres angel. Pero ora nan no a mira e trabou poderoso realisá den un korto tempu, hopi a pèrdè e efekto di e mensahe. Mi a mira ku e mensahe aki lo no realisá su trabou den poko lunanan. E ta designá pa spièrta e pueblo di Dios, pa mostra nan desviamentu i pa hiba na repentimentu seloso, pa nan por ta faboresé ku e presensia di Hesus i pa ta kalifiká pa e gritu duru dje terser angel." 1 T 186

YOBIDA TEMPRAN TA PREPARASHON PA YOBIDA LAT

Esnan ku no laga e ami muri diariamente i laga e Spiritu Santu purifiká i transformá nan bida, lo no rekonosé ni komprendé e manifestashon dje Spiritu Santu den e ultimo yobida. Nan lo ta sagudí afó i nan lugá lo ta yena ku otronan teniendo e bèrdad i uniendo ku Dios Su pueblo ku ta warda e mandamentunan.

"Nos por ta sigur ku ora e Spiritu Santu ta basha, esnan ku no a risibí i a apresíá e promé yobida lo no mira ni komprendé balor di e ultimo yobida." TM p. 399

"Pero no mester tin negligensha dje grasía representá dor dje promé yobida. Solamente esnan ku ta bibando segun e lus ku nan tin, lo haña mas lus. A ménos ku diariamente nos ta avansá den ilustrashon di e virtutnan kristian aktivo, nos lo no rekonosé e manifestashon dje Spiritu Santu den e ultimo yobida. E por ta kayendo riba kurasonnan rònt di nos, pero nos lo no diserní ni risibí." TM p. 507

"Esnan ku ta falta e Spiritu Santu no ta vigilantenan fiel riba muraya di Sion; pasobra nan ta siegu na e trabou ku mester ta hasi y no ta duna e trompet un sierto zonido." "E boutismo dje Spiritu Santu meskos ku riba dia di Pentekostes lo hiba na un revivamentu di religion berdadero y na e hasimentu di hopi trabounan maravioso. Agensianan Selestial lo bini meimei di nos y hende lo papia segun nan ta konmoví dor di Spiritu Santu di Dios. Pero si Señor mester obra riba hende manera Ela a hasi riba

y despues di e dia di Pentekostes, hopi ku awor ta bisa ku nan ta kere e bèrdat lo sabi asina poko dje operashon di e Spiritu Santu ku nan lo grita, 'Kuidou ku fanatismo, nan lo bisa di esnan ku ta yená ku e Spiritu Santu, e hendenan aki ku ta yena ku biña nobo."

E tempu no ta leu ora kada hende lo kier tin un relashon mas sera ku Kristu, un union mas sera ku Su Spiritu Santu manera nunca nan tabatin i lo tin si nan no ta dispuesto pa bandoná nan mes boluntat i kaminda i someté nan mes na e boluntat i kaminda di Dios. E pika di mas grandi di esnan ku ta profesá di ta kristian ta ku nan no ta habri nan kurason pa risibí e Spiritu Santu. Ora almanan ta deseá di tin Kristu i pa bira manera dj'E, esnan ku ta satisfecho ku nan bida sin Dios ta bisa: "Bai poko poko, no bai den ekstremo." Ora e angelnan di Dios bin meimei di nos i traha dor di agentenan humano, lo bai tin kombertimentu nan di bèrdat manera loke a sosodé dia di Pentekostes.

Awor rumannan ta kuidadoso i no purba na krea un eksitashon humano. Miéntras ku nos mester ta kuidadoso pa no bai den eksitashon humano, nos no mester ta meimei di esnan tampoko ku ta lansa preguntanan i dudanan den e trabou di e Spiritu di Dios. Pasombra lo tin esnan ku lo hasi pregunta i kítika ora e Spiritu di Dios poderá di hòMBER i muhernan, pasobra nan kurason no ta konmoví, pero ta friu i impreshonabel." Letter 27, 1894 - Selected Messages Book 2 p. 57

"E kantidat di e kompania (esnan ku promé a wòrdu mira ta yora i resa den agonia di Spiritu) aki a baha. Algun a wòrdu sagudí i laga na kaminda. Esnan deskuidá i indiferente ku no a uni ku esnan ku a duna viktoria i salbashon balor sufisiente pa roga i agonisá pe, no a hañ'é y nan a wòrdu laga atras den e skuridat y nan lugá yena inmediatamente dor di otronan na teniendo e bèrdat y drentando den e filanan." Early Writings p. 271

PREPARANDO AWOR PA E ULTIMO YOBIDA

"Ta awor nos mester laba nos bistínan di karakter y hasi nan blanku den sanger dje Lamchi. Ta awor nos mester vense orguyo, pashon y flohera spiritual. Ta awor nos mester spièrta y hasi esfuerso pa un karakter simétriko.

'Awe si bo tende Su bos no hasi boso kurason duro'. Nos ta den un posishon trankil di warda i wak pa Señor Su aparishon. E mundu ta den skuridat. 'Pero boso, rumannan, Pablo a bisa, no ta den skuridat pa e dia ei bini riba boso manera un ladron' (1 Tesalonisensenan 5:4)

Kiko boso ta hasi rumannan, den e gran obra di preparashon? Esnan ku ta uni ku mundu ta hañando e fasun di e mundu y ta preparando pa e marka dje bestia. Esnan ku no ta konfia den nan mes, ku ta humiliando nan mes dilanti di Dios y purifikando nan alma dor di obedesé bèrdat, esaki nan ta risibiendo e fasun selestial y preparando pa e seyo di Dios den nan frenta. Ora e dekreto sali y e marka impreshoná nan, nan karakter lo keda puru y sin mancha pa eternidat." 5 Testimonies p. 215, 216

"Nos no ta seif ningun momentu a ménos ku nos ta wòrdu guia i kontrolá pa e Spiritu Santu." Our high Calling p.187

E ora ta lat. Nos no mester tarda mas. Israel a pasa 40 aña ta dual den desierto ora ku e por a bai na e tera priminti den dos siman. Ora e puebel di Dios ta prepará pa e Ultimo Yobida, e obra di Dios lo terminá den korto tempu.

"No tin ningun impulso di nos naturalesa, ningun fakultat di mente òf inklinashon dje kurason ku no mester ta momentu tras momentu bou di kontról di Spiritu di Dios." Patriarchs and Prophets p. 421

"Nos tin mester di e rosea di e bida divino riba nos. Nos mester ta kanalnan dor di kual Señor por manda lus i gracia na e mundu. Hendenan ku a bai for di Hesus mester wòrdu reklamá bek. Nos mester pone pika un banda dor di konfeshon i arepentimentu

humilde di e orguyo di nos kurason dilanti Señor. Diluvionan di poder spiritual lo ta basha riba esnan ku ta prepará pa risibié." 8 T 46

Nos mester resa ku mesun fervor pa e dramamentu di e Spiritu Santu manera e disipelnan a hasi dia di Pentekostes.

Si nan tabatin mester di dje e tempu ei, nos tin mas mester di dje. Skuridat moral manera un paña di morto ta tapa e mundu. Tur tipo di doktrinan falsu, siñansanan straño, mentiranan satániko ta desviá e mente di hende.

Sin e Spiritu i e poder di Dios ta pòrnada nos ta traha pa presentá e bèrdat. Ibid, vol.5 p. 158

E nesesidat di mas grandi ta un ungimentu diario di e Spiritu Santu pa prepará nos pa e Ultimo Yobida.

E MENTE DI KRISTU

"Pa por tin e mes sintimentu aki den boso ku tabatin den Kristu Hesus tambe." Filipensenan 2:5

Traduksbon di Phillips ta bisa: "Laga Kristu mes ser boso ehèmpel enkuanto loke boso aktitut mester ta. "

"Kristu ta nos patronchi, ehèmpel perfekto y santu ku a wòrdu duna na nos pa sigui." That I May Know Him p. 265

"Mundu tin mester awe loke e tabatin mester di dje mil nuebe shen aña pasa, un revelashon di Kristu." The Ministry of Healing p. 143

"Pa ta un kristian ta mas ku meramente tuma e nòmber di Kristu pero e ta pa bo tin e sintimentu di Kristu pa someté na e boluntat di Dios den tur kos." That I May Know Him p. 174

Dr. Elton Trueblood, un edukador konosí a bisa: "Nos to buska e salida

dje berdadero iglesia, e kompañerismo di almanan amoroso demostrando e sintimentu di Kristu."

E TA NOS EHEMPEL

E siguiente sita ta demostrá kon dependiente riba Su Tata, Kristu tabata. E ta nos ehèmpel.

"Asina Kristu den Su humanidat tabata dependé di poder divino. 'Di mi mes mi no por hasi nada,' Ela a deklará." *The Desire of Ages* p. 674, 675

"Ora Hesus tabata spièrta pa enfrentá e tormenta, E tabatin pas perfekto. No tabatin ningun rasgo di miedu den palabra òf mirada, pasobra no tabatin miedu den Su kurason. Pero E no a sosegá den e posishon di poder divino. No tabata komo maestro di tera y laman ku El a reposa den kietut. E poder ei El a pone un banda y Ela a bisa, 'Ami no por hasi nada di mi mes' (Juan 5:30). E tabata konfia den poder dje Tata. Tabata den fe, fe den e amor y kuido di Dios, ku Hesus a sosegá y e poder dje Palabra ku a kalma e tempestat tabata e poder di Dios." *The Desire of Ages* p. 336
Hesus a bisa, "E Tata ku ta biba den Mi, E ta hasi e obranan" (Juan 14:10)

Y Hesus ta bisa na nos, "Sin Mi nada boso por hasi" (Juan 15:5)

"Tur nos bon obranan ta dependé di un poder pafó di nos mes." *Christ Object Lessons* p. 160

SIGI E EHEMPEL DI HESUS

Ora nos ta den e estado di Laodicea nos no ta realisá nos nesesidat. Nos ta pensa ku nos no tin 'mester di nada'. Pero e gran peliger di hende ta den gaña su mes... " (MC 361)

E peliger di mas grandi pa hende ta di gaña nan mes dor di kere ku nan mes por. I nan ta separá for di Dios, e fuente di nan forsa. Nos tendenshanan natural, si nan no wòrdu koregí pa e Spiritu Santu di Dios, tin e simia di morto moral. A ménos ku nos tin un konekshon vital ku Dios, nos no por resistí e efektonan malbado di deseonan pa halsa bo mes, pa stima bo mes i na tentashon i pika. The Ministry of Healing p. 455

"Pasobra si un hende pensa ku e ta algu, siendo ku e no ta nada, e ta gaña su mes" (Galationan 6:3).

"Ora hende mira nan inkapasidat, nan ta prepará pa ta bistí ku e hustisia di Kristu." COR 124

"E Yu di Dios tabata someté na boluntat dje Tata y tabata dependé riba Su poder. Kristu tabata asina bashí di kosnan pa Su mes ku E no a hasi plannan pa Su mes. E tabata aseptá Dios Su plannan p'E y día tras día e Tata tabata revelá Su plannan. Asina nos mester dependé riba Dios asina ku nos bida por ta e simpel obra di Su boluntat." The Desire of Ages p. 208. Kristu tabata asina someté na e boluntat di Dios ku e Tata so ta aparesé den Su bida. Ibid p. 389

E bida di Kristu a mostra kiko humanidat por hasi ora nan ta partisipá di e naturalesa divino. Tur loke Hesus a haña for di Dios nos tambe por haña. Christ Object Lessons pag. 149 "E bida ku Kristu a biba den e mundu aki, hòMBER y muhé por bib'é, dor di Su poder y bou di Su instrukshon. Den nan konflikto ku Satanas, nan por tin tur e yudansa ku E tabatin. Nan por ta mas ku vensedó dor di Esun ku a stima nan y a duna Su mes pa nan." 9 Testimonies p. 22

"E entrega di e ami ta e supstansia di e siñansa di Hesus." The Desire of Ages p. 523

"Hesus no a revelá ningun kualidat y no a eksperiensha ningun poder ku hende lo no por tin dor di fe den dj'E." The Desire of Ages p. 664
Ki ora ku hende skohe nan mes kaminda nan ta pone nan mes den kontroversia ku Dios.

Nan lo no tin lugá na shelu." Thought from the Mount of Blessing p. 52

Hesus a bisa, "Pasombra mi a baha for di shelu no pa hasi mi mes boluntat ma pa hasi boluntat di Esun ku a manda mi' (Juan 6:38).

Y El a bisa tambe, "Semper Mi ta hasi loke E ta gusta." (Juan 8:29) E apòstel Pablo a sigui e chèmpel di Kristu. El a bisa, "Mi a wòrdu krusifiká ku Kristu; y sin embargo mi ta biba; ma no mi mes mas, ma Kristu ta Esun ku ta biba den mi" (Galationan 2:20).

Y e ta duna nos e siguiente konseho, " Si bo ta kome anto, si bo ta bebe òf kiko bo ta hasi, hasi tur na honor i gloria di Dios" (1 Korintionan 10:31)

Dios ta trata pa kontrolá e kurpa dor dje mente. Satanas ta trata pa kontrolá e mente dor dje kurpa.

Pa nos por ta kla pa wòrdu transformá e pueblo di Dios mester konosé nan mes. Nan mester sa ku apesar di nan kurpa fisiko, nan por ta kapas pa bisa manera e salmista a bisa den Salmo 139:14: "Mi ta alabá Bo, pasobra mi ta traha na un manera temerosamente maravioso.

E kurpa mester ta sirbidó dje mente y no e mente sirbidó dje kurpa. 1 T 487.

"Tur mester kuida e sentidonan, si no satanas lo haña viktoria riba nan; pasobra esakinan ta e avenida na e alma" 3 T 507. "E sentido

di hopi ta bira dof dor di indulgensia di apetit y dor di familiaridat ku pika"3 T 476.

"Nos Redentor a wanta e poder di Satanás riba e gran tentashon aki: (indulgensia di apetit) ku ta pone alma di hende na peliger.

Si un hende por vense e tentashon aki, lo e por vense riba kada un otro punto." The Suffering of Christ p. 12

KRISTU TABATA RISIBI BAUTISMO DI SPIRITU SANTU TUR DIA

"Kristu tabata risibí kontinuamente for dje Tata pa E por a komuniká ku nos. "I e palabra ku boso ta tende no ta di Mí, ma di e Tata ku a manda Mí. Juan 14:24. "Meskos ku e Yu di Hende no a bin pa wòrdu sirbí, ma pa sirbi." No pa Su mes, pero pa otronan, E tabata biba siña y resa. Despues di pasa oranan ku Su Tata, E tabata sali mainta tras mainta pa trese e lus di shelu na hende. Diariamente E tabata risibí un bautismo di nobo dje Spiritu Santu." Christ Object Lessons, p. 139

"Humanidat di Kristu tabata uni ku divinidat; E tabata kapasitá pa e konflikto dor di e Spiritu Santu ku tabata biba den dj'E. Y Ela bini pa hasi nos partidario dje naturalesa divino." The Desire of Ages p. 123

Si HesuKristu e Yu di Dios tabatin mester di un bautismo di Spiritu Santu nobo kada dia, kiko ta di abo y ami? Siendo ku Kristu ta nos ehèmpel den tur kos, nos mester eksperiencha e bibamentu paden dje Spiritu Santu diariamente asina ku nos por ta kapasitá pa e konflikto.

"Pa Hesus ku a hasi Su mes bashí pa salbashon di humanidat pèrdí, Spiritu Santu tabata duna sin midi. Asina lo E ta duna na kada siguidó di Kristu ora hinter e kurason ta someté pa E por biba aden." Thought from the Mount of Blessing p. 21

"Nos mester mira na Kristu; nos mester resistí meskos ku E a resistí; nos mester resa meskos ku E a resa; nos mester agonisá meskos ku E a agonisá; pa nos por konkista meskos ku E a konkista." 'That I may know Him p. 34

E Spiritu Santu mester wòrdu parti konstantemente na hende, sino e hende no tin e disposishon pa lucha kontra e podernan di skuridat. Ibid p. 16

KIKO E SPIRITU SANTU LO HASI PA NOS?

"Pa pika, unda parti ku e ta haña, 'nos Dios ta un kandela ku ta destruí' (Hebreonan 12:29)

Den tur ku someté na Su poder, e Spiritu di Dios lo destruí pika. Pero si hende sigui tene na pika, nan ta wòrdu identifiká ku n'e. Anto e gloria di Dios ku ta destruí pika, mester destruí nan." 'The Desire of Ages p. 107

"Ora e Spiritu di Dios tuma poseshon dje kurason, E ta transformá e bida. Pensamentunan pekaminoso ta buta un banda, echonan malu ta renunsia; amor, humildat y pas ta tuma lugá di tristesa y e kara ta reflehá e lus di shelu. Ningun ta mira e man ku ta kita e karga òf ta mira e lus ku ta baha dje korte ariba. E bendishon ta bini ora dor di fe e alma someté su mes na Dios. Anto e poder ei ku ningun wowo humano por mira, ta krea un ser nobo den imágen di Dios." 'The Desire of Ages p. 173

"Solamente dor dje obra di Spiritu Santu riba e kurason nos por ta kapasitá pa shelu. Nos mester tin e hustisia di Kristu si nos kier haña aksesu na e Tata. I pa nos haña e hustisia di Kristu, nos mester ta transformá diariamente dor di influensha dje Spiritu." 1 Selected Messages p. 374

"E Spiritu ta konformá e alma renobá n'e modelo di Kristu Hesus." RH 25 Aug. 1896

"Nos uniko siguridat kontra kaimentu den pika ta pa keda kontinuamente bou dje influensha formador di e Spiritu Santu." CH p. 594

"Si un hende ta boluntario pa wòrdu formá, lo tin un santifikashon di hinter e ser. E Spiritu lo tuma e kosnan di Dios y marka nan riba e alma." The Acts of the Apostles p. 53

"Meskos ku waks ta tuma impreshon di e seyo, asina e alma mester tuma impreshon di e Spiritu di Dios y retené e imágen di Kristu." 1 Selected Messages p. 337

E AMOR DI DIOS

"E amor di Dios ta wòrdu plama den nos kurason dor di e Spiritu Santu ku ta duna na nos." Romanonan 5:5

"Miéntras bo no risibí e Spiritu Santu bo no por tin e amor di Dios den e alma." Review & Herald 9-27-1892

"E bibamentu paden dje Spiritu Santu lo wòrdu demostrá dor di e ekspreshon di amor selestial." Christ Object Lessons p. 419

Kiko tabata e midi di amor di Kristu? Miéntras E tabata wòrdu klaba na krus, El a resa pa Su asesinonan, "Tata, pordoná nan, pasobra nan no sa loke nan ta hasi." Ai, ki amor, ki amor maravioso." "Pa por tin e mes sintimentu aki den boso, ku tabatin den Kristu Hesus tambe." Ora nos ta stima manera Kristu a stima, Spiritu Santu lo usa nos pa yena e nesidat mas grandi di mundu.

"No tin nada ku mundu tin mester asina tantu manera manifestashon di amor di e Salvador dor di humanidat." Christ Object Lessons p. 419

"Dor di implantá den nan kurason e prinsipionan di Su Palabra, Spiritu Santu ta desaroyá e atributonan di Dios den hende. E lus di

Su gloria, Su karakter, mester lombra den Su siguidónan." Christ Object Lessons p. 414

"E ultimo rayonan di lus di misericórdia, e ultimo mensahe di misericórdia duna na mundu, ta un revelashon di Su karakter di amor." "E yunan di Dios mester manifestá Su gloria." Christ Object Lessons p. 415, 416

"Dios tin un iglesia riba mundu ku lo lanta bek e Lei ku a wòrdu tira abou i presentá na e mundu e Lamchi di Dios ku ta kita pika di mundu. E iglesia ta un depósito di e rikesanan di e grasia di Dios i dor di e iglesia eventualmente lo wòrdu manifestá e ekshibishon final y kompletu di e amor di Dios na mundu ku mester wòrdu enlusa ku Su gloria."

Testimonies to Ministers p. 50

Ki un responsabilidat. Ki un desafío. Ki un privilegio. Dor di e poder poderoso dje Spiritu Santu nos mester revelá e karakter di amor di Dios y manifestá Su gloria. E uniko manera pa kumpli ku esaki ta pa laga e ami muri diariamente y eksperiensha diariamente un boutismo di Spiritu Santu. Ora nos someté kompletamente na Su poder, e Spiritu Santu lo destruí pika den nos; purifiká, refiná y transformá nos te ku e kara ta reflehá e lus di shelu. Spiritu Santu ta krea un ser nobo den imágen di Dios. E amor di Dios lo wòrdu revelá. Anto nos lo ta prepará pa e Ultimo Yobida y e Gritu Duru.

"Despues di bahada di Spiritu Santu, e disipelnan tabata asina yena ku amor p'E y pa esnan kual El a muri, ku kurasonnan tabata dirti dor di e palabranan ku nan tabata papia y orashonnan ku nan a ofresé. Nan tabata papia ku poder dje Spiritu; y bou di influensha di e poder ei miles tabata kombertí." The Acts of the Apostles p. 22

E parabola di e trahadónan den e kunuku di wendruif ta un spièrtamentu na tur trahadónan, ku kon largu nan sirbishi ta, ku kuantu ku nan a traha, ku sin amor pa bo rumannan, sin humildat dilanti Dios, nan no ta nada. No tin religion den koroná bo mes. Esun ku ta gloria su mes lo hañ'é pafó di e grasia lokual ta hasi bo eficiente den e trabou di Kristu.

E ta mira kuantu di e Spiritu di Kristu nos ta ke, kuantu nos trabou ta parse esun di Kristu. Pa E ta mas importante e amor i fieldat ku nos ta hasi e trabou ku e kantidat di trabou ku nos ta hasi.

Sin amor pa nan rumannan, sin humildat dilanti Dios, nos ta nada.

Solamente ora egoismo muri, ora lucha pa supremasia wòrdu kita, ora gratitut yena e kurason, i amor hasi e bida fragante, ta solamente e ora ei Kristu bibando den e alma nos ta wòrdu rekonsé komo obreronan di Dios." Christ Object Lessons p. 402

"Amor pa Kristu, amor pa nos rumannan, lo duna testimonio na mundu ku nos tabata huntu ku Kristu i a siña di dj'E. Anto e mensahe di e terser angel lo bira un gritu duru y hinter mundu lo wòrdu lusa ku e gloria di Dios. " 6 Testimonies p. 401

"Kada obrero mester hasi su petishon na Dios pa un boutismo diario di e Spiritu Santu." The Acts of the Apostles p. 50

"Mi rumannan resa i suplika pa e Spiritu Santu" 8 Testimonies p. 23

Lo nos no sigui ebèmpel di Hesus dor di paga e preis kompletu di risibí un boutismo diario dje Spiritu Santu? Laga e sintimentu aki ta den boso ku tabatin den Kristu Hesus tambe.

II. ENOK I JUAN BAUTISTA

KONOSIENDO DIOS

"Un intensidat tal manera nunca ántes ta tumando poseshon di e mundu. Den goso, den ganamentu di plaka, den e kòntèst pa poder, den e lucha pa eksistensia, tin un forsa teribel ku ta okupá e kurpa, e mente i e alma. Meimei di e apuro loko aki Dios ta

papiando. E ta invitá nos pa bin pa nos tin komunion ku n'E. "Sea ketu, i sabi ku Ami ta Dios." Salmo 46:10 Education p. 260

Kiko ta e mensahe vital aki ku Dios ta deseá pa komuniká na hende? Skucha Su bos den Jeremias 9:23,24: Asina Señor ta bisa: "No laga un hende sabi gaba di su sabiduria, i no laga e hende poderoso gaba di su poder; no laga un hende riku gaba di su rikesa, ma laga esun ku ta gaba, gaba den esaki, ku e ta komprondé i konosé Mi, ku Ami ta Señor, kende ta muestra misericórdia, huisio i hustisia riba tera; pasobra Mi tin delisia den e kosnan aki, Señor ta deklará.

Hesus ta papia na nos bisando: i esaki ta bida eterno, ku nan por konosé Bo, e uniko Dios berdadero i Hesukristu kende Bo a manda. Juan 17:3

"E konosementu di Dios i di Hesukristu ekspresá den nos karakter ta e grado di mas haltu ku tur loke nos por apresia riba tera i den shelu. Ta e edukashon di mas haltu. Ta e yabi ku ta habri portanan dje suidat selestial. Ta Dios Su propósito pa nos tur ku ta kere den Kristu tin e konosementu aki." The Ministry of Healing p. 457

"Ora nos konosé Dios manera ta nos privilegio pa konos'E, nos bida lo ta un bida di obedensha kontínuo." The Desire of Ages p. 668

"E konosementu eksperimental di Dios i di Hesus kende Ela manda ta transformá hende den imágen di Dios." Christ Object Lessons p. 114

"E konosementu di Dios ku ta obra transformashon di karakter ta nos nesidat mas grandi. Si nos kumpli Su boluntad, lo mester tin un revelashon di Dios den nos bida ku lo korespondé ku siñansa di Su Palabra. E eksperensha di Enok i Juan Bautista ta representá loke di nos mester ta. Hopi mas di loke nos ta hasi, nos mester studia bida di e hòmbenan aki, esun ku tabata trasladá pa shelu sin mira morto y esun ku tabata yama promé ku e promé binida di Kristu pa prepará e kaminda di Señor." 8 T 329

ENOK SU EHEMPEL

"Y Enok a kana ku Dios i e no tabata mas; pasobra Dios a tum'é." Genesis 5:24

"Pa medio di fe Enok a wòrdu trasladá pa e no mira morto; Pasobra promé ku ela wòrdu trasladá e tabatin e testimonio aki ku ela agradá Dios." Hebreonan 11:5

"E infinito amor di Dios dor di Kristu a bira tema di su meditashon di dia y anochi. Ku tur e fervor di su alma el a trata di revelá e amor ei na e hendenan meimei di kende e tabata biba." 8 T 329

Dios a revelá Su amor dor di Enok promé mundu tabata destruí dor di awa y awor E ta deseá di revelá Su amor dor di Su pueblo promé ku mundu ta destruí dor di kandela. Un manifestashon di amor di Dios ta e nesesidat mas grandi di mundu awe.

"E kanamentu di Enok ku Dios no tabata den trans òf vishon pero den tur e debernan di bida di kada dia. E no a bira un hermit serando su mes kompletamente for di mundu pasobra e tabatin un trabou di hasi pa Dios den e mundu." Patriarchs and Prophets p. 85

"E poder di Dios ku tabata obra ku Su sirbidó tabata ser sinti pa esnan ku tende. Algun a duna oido na e atvertensha i a renunsia na nan pikanan, pero e multitutnan a hasi chèrchi di e mensahe solèm.

E sirbidónan di Dios mester hiba mesun mensahe na e mundu den e ultimo dianan i nan tambe lo wòrdu risibí ku inkredulidat i chèrchi. Manera añanan i añanan tabata pasa, mas i mas grandi e kulpabilidad di hende a bira i mas i mas skur e nubianan rondó di e huisio divino ta bira. Pero Enok, e testigu di fe, a sigui riba su kaminda ta atvertí, ta roga, ta siña, bringando pa kita e kulpabilidad for di hende i pa wanta e kadenanan di vengansa.

E hendenan di e generashon ei tabata hasi chèrchi di dje pasombra e no tabata kore tras di oro i plata òf tras di poseshon. Pero e

kurason di Enok tabata riba tesoronan eterno. Su bista tabata riba e suidat selesstial. E la mira e Rei di gloria meimei di Sion. Mas grandi e inikidat ta, mas ta su deseo pa e kas di Dios. Mientras riba tera ainda e tabata biba pa medio di fe den e reino di lus." 8 T 330, 331

"Su kurason tabata den harmonia ku e boluntad di Dios pasobra dos hende ta kana huntu, sin ku nan a bai di akuèrdo ku otro?"

Amos 3:3... Enok tabata un hòmer di un mente fuerte i kultivá, i konosementu ekstensivo; e tabata wòrdu honra ku revelashonnan speshal di Dios; tòg siendo den konstante komunion ku shelu, ku un sintimentu di e grandesa divino i perfekshon semper su dilanti e tabata un di mas humilde entre hende. Mas serka e konekshon ku Dios, mas profundo tabata e sintimentu di su mes debilidad i imperfekshon." Patriarchs and Prophets p. 85

Komunion konstante ku Dios a trese gran midi di poder divino na Enok y a yena su alma ku humildat. Tabata D.L. Moody ku a bisa: "Kuminsamentu di grandesa ta pa bira chikitu, kresementu di grandesa ta pa bira ménos y e perfekshon di grandesa ta pa bira nada."

Elena White a skibi: "E uniko grandesa ta e grandesa di humildat." Desire of Ages p. 650

"Asina el a spera dilanti di Señor buskando konosementu mas kla di Su boluntad asina ku e por kumpli ku n'e. Pa e orashon tabata manera rosea di e alma. E tabata biba den e atmósfera di shelu." " Patriarchs and Prophets p. 85

"Den un tal komunion ku Dios, Enok a reflehá mas i mas e imágen divino. Su kara tabata radiante ku un lus sagrado, hasta e lus ku tabata lombra den kara di Hesus.

Segun el a sali for di e komunjon divino hasta esnan impio tabata mira asombrá e impreshon di shelu riba su kara." " Patriarchs and Prophets p. 87

HASIENDO ENOK SU EKSPERIENSHA BIRA ESUN DI NOS

E konosementu di Dios ku ta transformá nos karakter mester ta nos nesesidat mas grandi. Si nos kumpli ku Su propósito, mester tin un revelashon di Dios den nos bida nan ku ta di akuerdo ku e siñansanan di Su palabra. "E eksperiensha di Enok i Juan Boutista ta representá loke esun di nos mester ta. Hopi mas di loke nos ta hasiendo awor, nos mester studia e bida di e hòmbènan aki — esun ku a wòrdu hiba shelu sin mira morto i esun ku a wòrdu yama pa prepará e kaminda di Señor promé ku e binida di Kristu i pa hasi e kaminda stret. " 8 T 329

Si nos krusifiká e ami diariamente, someté nos mes na Dios pa servisio sin tene nada atras, resa konstantemente pa un ungementu diario dje Spiritu Santu, nos kara lo bira radiante ku un lus santu y otronan lo mira e impreshon di shelu riba nos kara. E programa aki lo yena nos gran nesesidat y Spiritu Santu lo usa nos komo instrumèntnan pa enkontra e gran nesesidat di e mundu. Anto e obra di Dios lo terminá den un korto tempu.

Nos lo no bisa konhuntamente, "Dor di e gracia di Dios y e poder di e Spiritu Santu, e eksperiensha di Enok ta representá loke esun di nos mester ta te ora nos ta lusa ku binida di e Yu di Hende?"

"E karakter piadoso di e profeta aki ta representá e estado di santidat ku mester wòrdu alkansá dor di esnan ku lo ta 'redimí for di mundu' (Revelashon 14:3) na Hesus Su di dos binida. Den e tempu ei manera tabata promé ku diluvio inikidat lo prevalesé. Siguiendo e impulso di nan kurason korumpí i e siñansanan di nan

filosofianan falsu, hende lo rebeldia kontra e outoridat di shelu. Pero meskos ku Enok, e pueblo di Dios lo buska puresa di kurason y konformidat na Su boluntat te ora ku nan reflehá e semehansa di Kristu. Meskos ku Enok nan lo spièrta mundu di e segundo binida di Señor i di e huisio ku ta bin riba pika, i dor di nan kombersashon i ehèmpel santu nan lo kondena pika den e pekador. Meskos ku Enok tabata trasladá pa shelu promé ku mundu tabata destruí pa awa, asina e hustunan bibu lo ta trasladá for di tera promé ku su destrukshon dor di kandela." Patriarchs and Prophets pp. 88,89

"Pa treshen aña Enok tabata buska puresa di kurason, asina ku e por ta den harmonia ku shelu. Pa tres siglo ela kana ku Dios. Dia tras dia e tabata anhelá pa un union mas serka; mas i mas serka e komunion a krese te ku Dios a tum'é serka dj'E. E tabata para na grens di e mundu eterno, solamente un paso entre e i e tera bendishoná; awor e portanan a habri, e kanamentu ku Dios, persistente i kontinuo riba mundu a sigui te ela pasa dor di e portanan dje suidat santu, e promé hende pa dreña ei."

"Pa medio di fe Enok a wòrdu tuma, sin ku el a mira morto... pasobra promé ku el a wòrdu tuma, el a haña testimonio ku e tabata agradabel dilanti Dios." Hebreonan 11:5

"Na un tal komunion Dios ta yamando nos. Meskos ku esun di Enok, mester ta e santidat di karakter di esnan ku lo ta redimí for di hende na e segundo binida di Señor." 8 Testimonies p. 331 "Nos gran nesesidat awe ta pa hendenan ku ta batisá ku e Spiritu Santu di Dios, hendenan ku ta kana ku Dios meskos ku Enok a kana." 5 Testimonies p. 555

"Si tin un tempu ku e pueblo tabatin nesesidat di kana dilanti Dios manera Enok a hasi, ta e Adventistanan di Shete Dia mester hasié awor. Mustrandó nan sinseridat dor di palabranan puru, limpi, yen di simpatia, ternura i amor. " 7 T 155

JUAN BAUTISTA

"E eksperiensha di Enok i Juan Bautista ta representá loke esun di nos mester ta." 8 T 329

"E (Juan) tabata un lus sende ku tabata lusa." Juan 5:35

"Dios a yama e yu di Zakarias pa hasi un gran trabou." The Desire of Ages p. 100

"Un mensahero asina mester ta santu, E mester ta un tèmpel pa e Spiritu di Dios biba paden." The Desire of Ages p. 100

"Pa por duna un tal mensahe manera Juan a duna, nos mester tin un eksperiensha spiritual manera e tabatin. Nos mester mira Dios i mirando na dj'E pèrdè bista di e ami." 8 T 333

"Juan Bautista tabata wòrdu siña dor di Dios den su dianan den desierto. El a studia e revelashonnan di Dios den naturalesa. Bou di guia di e Spiritu Divino, el a studia e ròlnan di e profetanán. Di dia i anochi, Kristu tabata su estudio, su meditashon, te ku mente, kurason i alma tabata yena ku e vishon glorioso."

"E tabata mira e Rei den Su bunitesa i tabata pèrdè e ami for di bista. El a mira e mahestat di santidat i tabata sa ku e mes tabata inefisiente i indigno. Tabata e mensahe di Dios ku e mester a deklará. Tabata Dios Su poder i hustisia ku e mester a para pe. E tabata kla pa sali komo mensahero di shelu, sin miedu di e humano, pasobra el a mira na e Divino. E por a para sin miedu den presensia di monarkanan terenal. Pasobra ku temblamentu el a baha dilanti di Rei di reinan." 8 T p. 331,332

E SPIRITU SANTU SIN MIDI

"Mirando pa medio di fe na e Redentor, Juan a lanta na e haltura di ninga e ami. Ela a trata pa no atraé hende na su mes, pero pa halsa nan pensamentunan mas i mas haltu, te ora ku nan sosegá den e Lamchi di Dios. E mes tabata solamente un bos, un gritu

den desierto. Ku goso eta aseptá silencio i skuridat, pa wowo di tur por bira na e Lus di Bida. Esnan ku ta fiel na nan yamada komo mensaheronan di Dios lo no buska honor pa nan mes. Amor pa e ami lo ta guli dor di amor pa Kristu....

E alma dje profeta, bashí di e ami, tabata yena ku lus di e Divino Asina ta ku e siguidónan di Kristu. Nos por risibí e lus di shelu segun nos ta boluntario pa hasi nos mes bashí di e ami. Nos por diserni e karakter di Dios i aseptá Kristu, solamente segun nos konsentí pa trese kada pensamentu bou di obedensha di Kristu. Na tur ku hasi esaki, Spiritu Santu ta wòrdu duna sin midí." 8 T 333,334

Esaki ta un promesa na kada un di nos. Si nos kontra ku e kondishonnan manera Juan Bautista, nos nesesidat di mas grandi lo ta kumpli. Anto Dios lo usa nos komo instrumènt pa proveé pa e nesesidat mas grandi di mundu.

"Dios lo hasi e obra, si nos dun'E e instrumèntnan." 9 T 107

:Sin ningun argumento òf teorlanan finí Juan a deklará su mensahe. Asombroso i fuerte, tòg yen di speransa, su stèm tabata tende for di desierto: 'Kombertí boso, pasobra e reino di shelu ta serka' (Mateo 3:2). Ku un poder nobo i straño el a konmové e hendenan. Henter e nashon tabata move. Multitutnan a bai na desierto. 8 T 332

HASIENDO JUAN SU EKSPERIENSHA BIRA ESUN DI NOS

Dios a usa un hòmber den desierto pa move un nashon. Pronto, si masha pronto, lo E usa un remanente feel pa move i drai hinter e mundu. Si nos determiná pa ta entre e poko fielnan, nos mester hasi preparashon pura awor. E eksperiensha di Juan ta representá loke esun di nos mester ta.

"Trahadónan di pafó i piskadónan for di e besindario; e sòldatnan Romano den e baraknan di Herodes; kapitannan ku nan spada na kustia, kla pa buta abou kualkier kos ku ta parse rebelion; e kobradónan di belasting golos; i saserdotenan di e Sanadrin, tur a skucha asombrá i tur, hasta e Saduseonan i e Fariseonan, e bofonadó inimpreshonabel a kana bai ku ekspreshon di bofon silensia, i herida na kurason ku e sintimentu di nan pika. Herodes den su palasio a tende e mensahe, i e dirigente orguyoso duru dor di pika, a tembla na e yamada di kombertimentu.

Den e era aki, djis promé ku e segundo binida di Kristu den e nubianan di shelu, un tal obra manera esun di Juan mester wòrdu hasi, Dios ta yama pa hendenan ku lo prepará un pueblo pa para riba e gran dia di Señor." 8 T 332

"Riba nos ta para e responsabilidat pisa di spièrta e mundu di su kondenashon binidero. For di tur direkshon, di leu i serka, ta Sali yamada di yudansa. Dios ta yama riba su iglesia pa lanta i bisti su mes ku poder." 7 T 16

"E obreronan di Dios mester haña un eksperiensha muchu mas profundo. Si nan someté tur na dj'E, E lo obra poderosamente pa nan." Colporteur Ministry p. 155

E ULTIMO YOBIDA

E yobida tempran ta e poder transformadó di e Spiritu Santu, diariamente yenando e kurason di e kreyente, kual ta trese viktoría riba pika i ta kubrié ku e bustisia di Kristu.

E último yobida ta poder pa testiguá. E ta prepará e fiel remanentenan di Dios pa duna e Gritu Duru di e mensahe di e Terser Angel ku poder obligadó. Anto bista di mundu lo ta pone riba e pueblo di Dios ku ta warda e mandamentunan.

Anto e pueblo di Dios lo revelá e amor di Dios, e karakter di Dios, e gloria di Dios. Anto nan lo ta prepará pa para durante e shete ultimo plaganan sin mediadot

"Mi no tin ningun tempu spesifiko di papia ora e bashamentu di Spiritu Santu lo tuma lugá — ora e angel poderoso lo baha for di shelu i uni ku e mensahe di e terser angel den seramentu di e obra

pa e mundu aki; mi mensahe ta ku nos uniko siguridat ta di ta prepará pa e refreskamentu selestial, teniendo nos lampinan prepará i sendí." 1 Selected Messages p. 192

Maske e sirbidó di Dios no a indiká un tempu spesifiko pa bashamentu di e Spiritu Santu, el a bisa ku na e `kuminsamentu di tempu di tròbel, e Ultimo Yobida o refreskamentu for di e presensia di Dios, lo bini' Early Writings pag. 86.

Esaki ta e periodo kòrtiku djis promé ku e plaganan kai. Nos ta serka e tempu ora tur humanidat lo ta dividí den dos klase: esnan ku marka dje bestia i esnan ku e nòmber di Dios den nan frenta.

E MARKA DI E BESTIA

"Ora e iglesianan prinsipal di USA, uniendo riba tal puntonan di doktrina manera nan tin komun entre nan, lo influensha e estado pa pone na vigor nan dekreto i pa sostené nan institushonnan, anto Amerika Protestant lo forma un imágen di e rango Romano, anto infrakshon di penanan sivil riba esnan ku no ta di akuerdo inevitablemente lo ta e resultado." The Great Controversy p. 445

Dor di e dos erornan mas grandi kualnan ta e inmortalidat di e alma i e Djadumingu sagrado, satanas lo pone e hendenan bou di su engañonan. E promé eror lo pone e fundeshi pa spiritisme i e di dos eror lo krea un vinkulo di simpatia ku Roma. E protestantnan di USA lo ta e promé den saka nan mannan i gara e man di spiritisme; nan lo pasa over di e abismo pa duna e poder romano man i bou di e influensha di e union di tres aki, e pais aki lo sigui den e stapnan di Roma den trapa e derechinan di konsenshi. The Great Controversy p. 588

"Pero kristiannan di generashonnan pasa a opservá e djadumingu, keriendo ku hasiendo asina nan tabata warda e Sabat di beibel; i awor tin berdadero kristiannan den kada iglesia, sin saka afó e komunion Katólíko Romano, ku honestamente ta kere ku djadumingu ta e sabat divinamente apuntá. Dios ta aseptá nan sinseridat di propósito i nan integridat dilanti dj'E. Pero ora e opservashon di djadumingu ta pone na vigor pa lei i mundu ta enlusa tokante e obligashon di e berdadero sabat, anto ken ku kibra e mandato di Dios, pa obedesé un presepto ku no tin outoridat mas haltu ku Roma, asina lo honra papado riba Dios. E ta dunando homenahe na Roma, i na e poder ku a pone na vigor e órden dekretá dor di Roma. E ta adorando e bestia i su imágen. Segun hende rechasá e órden ku Dios a deklará pa ta señal di Su outoridat i honra na su lugá esun ku Roma a skohe komo marka di su supremasia ku si nan lo aseptá e aliansa na Roma — e marka di e bestia.' I no ta te ora ku e kwestion aki ta klaramente pone dilanti e pueblo i nan ta trese pa skohe entre e mandamentunan di Dios i e mandamentunan di hende, ku esnan ku sigui den transgreshon lo risibí e marka dje bestia." The Great Controversy p. 449

"Ora ku Protestantismo rèk su man over dje abismo pa tene man ku e Poder Romano, ora e rèk over dje abismo pa duna otro man ku spiritismo, ora bou di influensha di e tres union aki, nos pais lo rechasá kada prinsipio di su konstitushon komo un gobièrnu Protestant i Republikano, i a hasi provishon pa propaganda mentira i engaño papal, anto nos lo sabi ku e tempu a yega pa e obranan maravioso di satanas i ku e fin ta serka." 5 T 451

"E ponementu na vigor di e wardamentu di djadumingu na Estados Unidos lo ta poniendo na vigor adoramentu di e bestia i su imágen." The Great Controversy p. 449

Esaki lo muestra e kaida di Babilonia. Esaki ta e kwestion real.

Dios Su uniko kontesta na adorashon dje bestia i su imágen ta e imágen di Dios restorá den e alma y reflehá den e bida. E tempu di

e test ta aserkando rápidamente. Nos mester prepará awor. "Sustitushon di e leinan di hende pa e lei di Dios, e eksaltashon dor di outoridatnan meramente humano, di djadumingu na lugá di e sabat di e beibel, ta e Ultimo parti di e drama." 7 T 141

"E pueblo di USA tabata un pueblo faboresé; pero ora nan limitá libertat religioso, someté na Protestantismo y duna fabor na papado, e midi di nan kulpabilidad lo yena i apostasia nashonal lo ta skirbi den e bukinan di shelu.

Resultado di apostasia aki lo ta ruina nashonal." RH 2-5-1893

"Segun USA e pais di libertat religioso uni ku e papado fórsando konsenshi i obligando hende pa honra e sabat falsu, e hendenan di kada pais dje mundu lo ta guia pa sigui su ehèmpel ." 6 T 18

"Nashonnan stranhero lo sigui ehèmpel di USA. Maske ku ta e ta dirigí tòg e mes krisis lo bini riba nos pueblo den tur parti di mundu." 6 T 395

"Komunikashonnan for di e spiritunan lo deklará ku Dios a manda nan pa konvensé esnan ku ta rechasá djadumingu di nan eror, afirmando ku e leinan di e pais mester wòrdu obedesé manera e lei di Dios. Nan lo lamentá e gran maldat di e mundu i apoyá e testimonio di maestronan religioso ku e estado degradá den estado moral ta kousa dor di e profanamentu di djadumingu. Grandi lo ta indignashon kontra tur esnan ku ninga pa aseptá nan testimonio. The Great Controversy p. 591

"E iglesia ta apelá na e man fuerte di poder sivil i den e trabou aki, papistanan i protestantnan ta uni. Segun e movimentu pa pone na vigor djadumingu bira mas franko i desidido e lei lo wòrdu invoká kontra wardadornan di mandamentu. Nan lo wòrdu menasá ku but i prison i algun lo ta ofresé puestonan di influensha i otro rekompensanan i bentahanan komo motibu pa renuncia nan fe." The Great Controversy p. 607

E PRUEBA GRANDI

"Ora e lei di Dios wòrdu anulá, iglesia lo ta sefta dor di pruebanan fuerte i un porshon mas grandi ku nos ta antisipá awor, lo duna atenshon na e sedukshon di e spiritunan ku ta desviá i na e doktrinan di diabel." 2 Selected Messages p. 368

"Mi rumannan boso ta realisá ku boso propio salbashon tantu komo e destino di otro almanan ta dependé riba e preparashon ku boso hasi awor pa e pruebanan ku ta nos dilanti?" 5 T 716, 717 "Señor a muestra mi klaramente ku imágen dje bestia lo ta forma promé ku probashon sera; pasobra e mester ta e gran tèt pa e pueblo di Dios, dor di kual nan destino eterno lo ta disidí." 7 SDABC 976 (Komentario di Elena White riba Revelashon 13:14-17)

"Segun e tempestat aserka, un grupo grandi ku a profesa fe den e mensahe di e terser angel, pero ku no tabata santifiká dor di obedensha na e bèrdad, ta bandoná nan poseshon i ta uni ku e grupo di oposishon." The Great Controversy p. 608

Esaki por ta e tempu ku satanas lo imitá Kristu. Lesa El Conflicto de los Siglos p. 679,683

"Nos ta wòrdu bisa ku den e Ultimo tempu e (satanas) lo obra ku señal i milagernan engañoso. I lo e kontinuá ku e milageman ei te na fin di probashon, asina ku e por muestra riba nan komo evidensia ku e ta un angel di lus i no di skuridat." 2 SM 51

"Den e tempu aki, e oro lo ta separá for di e skuma (e skuma ku ta forma riba metal ora e wòrdu dirti) den e iglesia. Berdadero piedat lo ta klaramente distinguí for di e aparensa i su dekorashon sin balor. Hopi strea ku nos a atmirá pa nan brio lo paga e ora ei den e skuridat." 5 T 81 Esnan ku a postata den e tempu di tròbel, pa sigurá nan mes, lo bira e testigu falsu ku lo traishoná su rumannan. Kristu ta spièrtá nos riba esaki pa nos no keda sorprendí pa e krueldat di esnan ku a ninga e lus. The Desire of Ages p. 630

E ULTIMO YOBIDA I E GRITU DURU

"Promé ku e Ultimo huisio di Dios kai riba tera lo tin entre e pueblo di Dios un tal reavivamentu di piedat primitivo ku nunca tabata mira desde tempu apostólíko. E Spiritu i poder di Dios lo ta basha riba Su yunan. The Great Controversy p. 464

"Na kuminsamentu di e tempu di tròbel, nos tabata yená ku e Spiritu Santu segun nos a sali pa proklamá e bèrdat di e sabat kompletu. Esaki a pone e iglesia rabia i e Adventistanan komun i koriente tambe pasombra nan no por a kontradesí e bèrdat di e sabat. I na e tempu aki Dios Su skohinan tur a mira ku nos tabatin e bèrdat i nan a sali huntu ku nos i a soportá e persiguishon huntu ku nos. Mi a mira spada, hamber, pestilensha i gran konfushon den e tera. E malbadonan a pensa ku nos a trese huisio riba nan i nan a lanta i tuma konseho pa libra e tera for di nos pensando ku e malu lo stop. CET 93

E kuminsamentu di tempu di tròbel aki menshoná no ta referí na e tempu ora e plaganan lo kuminsá kai pero na un periodo kòrtiku djis promé ku nan wòrdu basha miéntras ku Kristu ta den e santuario. Na e tempu ei miéntras e obra di salbashon ta serando tròbel lo ta biniendo riba e tera i e nashonnan lo ta rabia tòg refrena asina pa no stroba e obra di e terser angel. Na e tempu ei, e último yobida' òf refreskamentu lo bini for di e presensia di Dios pa duna poder na e bos duru di e terser angel i prepará e santunan pa para den e periodo ora e ultimo shete plaganan lo ta basha. Early Writings pp. 85, 86

"Ora e storm di persekushon bini riba nos, e berdadero karné lo tende e bos di e wardador berdadero. Esfuersonan di ningamentu di e ami lo ta pone dilanti pa salba e pèrdí i hopi ku a desviá di e tou lo bolbe pa sigui e gran Wardador. E pueblo di Dios lo hala mas serka di otro i presentá dilanti di e enemigu den unidat. En bista di e peliger, lo no tin lucha pa supremasia, lo no tin pleitamentu ken lo ta esun di mas grandí.

Niun di e kreyentenan berdadero lo bisa: `Ami ta di Pablo, Ami ta di Apolo i ami ta di Sefas. E testimonio di un i tur lo ta ami ta uni ku Kristu lo mi tin goso den mi Salvador personal.'

Esaki lo ta e bèrdat trese den práktika, esaki lo ta e kontesta pa Hesus Su orashon promé ku Su humiliashon i Su morto: `pa nan tur por ta un, meskos ku Abo, O Tata, ta den Mi i Ami den Bo, pa nan tambe por ta den Nos; pa mundu kere ku ta Abo a manda Mi' Juan 17:21. E amor di Kristu, e amor di nos rumannan, lo duna testimonio na mundu ku nos tabata ku Hesus i a siña di dj'E. Anto e mensahe di e terser angel lo bira un gritu duru i hinter mundu lo ta lusa ku e gloria di Señor." 6 T 401

"Mi a mira un gran lus riba nan (e pueblo di Dios), i nan a uni pa proklamá sin miedu e mensahe di e terser angel. Angelnan a wòrdu manda pa yuda e angel poderoso di shelu, i Mi a tende bosnan ku tabata parse di ta zona tur kaminda "Sali for di dje, mi pueblo, pa bo no partisipá den su pikánan i pa bo no risibí di su plaganan. Pasobra su pikánan a montoná yega te na shelu, i Dios a kòrdá su inikidatnan."(Revelashon di Juan 18:4,5). E mensahe aki a parse di a forma parti di e mensahe di e di tres angel, manera e gritu di mei anochi a forma parti di e mensahe di e di dos angel na 1844.

E gloria di Dios a baha riba e santunan yen di pasenshi, sperando i sin miedu nan a duna e ultimo spiertamentu solèm, proklamando e kaida di Babilonia i yamando e pueblo di Dios pa sali for di dje pa nan por skapa su sentensha temeroso.

E lus ku tabata lusa riba esnan ku tabata spera, a penetrá tur kaminda i esnan ku tabata den e iglesianan ku no tabatin e lus, ku no a skucha i a rechasá e mensahe di e di tres angel, a obedesé e yamada i a bandoná e iglesia kai.

Hopi a yega na e tempu di duna kuenta for di dia e mensahe aki a wòrdu duna i e lus a lusa riba nan i nan tabatin e privilegio di skohe pa bida òf morto. Algun a skohe pa bida i a para huntu ku esnan ku tabata spera Señor i warda Su mandamentunan. E mensahe di e di tres angel mester hasi e trabou, tur hende mester wòrdu di tèst a base di dje i esnan presioso mester wòrdu saka for di e otro kurpanan religioso.

Un forsa di atrakshon ta move e honesto miéntras ku e manifestashon di e poder di Dios ta trese miedu i ta mara nan famia i amigunan ku no ta kere asina ku nan no tin e kurashi ni e poder pa stroba esnan ku kier hasi è trabou ku e Spiritu di Dios pone riba nan. E delaster yamada a wòrdu hasi asta na e pover katibu, i e piadoso meimei di nan a dal e gritu di alegria dilanti e perspektiva di nan liberashon. Nan doñonan no por a stop nan, miedu i asombro a pone nan keda ketu. Milagernan grandi tabata sosodé, hendenan malu tabata wòrdu kura i siñalnan i milagernan tabata sigui e kreyentenan. Dios tabata na trabou i kada santu, sin miedu di e konsekuenshanan, tabata sigui e konvikshonnan di su mes konsenshi i tabata uni ku esnan ku tabata warda tur e mandamentunan di Dios. I ku poder nan tabata zona tur kaminda e mensahe di e di tres angel. Mi a mira ku e mensahe aki lo sera ku poder i forsa hopi mas grandi ku e gritu di mei anochi.

Sirbidónan di Dios yená ku poder di ariba ku nan karanan lusa i lombrando ku konsagrashon santu a sali pa proklamá e mensahe for di shelu.

Almanan ku tabata plama entre e kurpanan religioso a kontesta e yamada i esnan presioso tabata wòrdu saka pura for di e iglesia sentensíá meskos ku Lot a wòrdu saka pura for di Sodoma promé ku su destrukshon. *Early Writings* pag. 277-279

Sirbidónan di Dios ku karanan iluminá i lombra ku konsagrashon santu, lo bai lihé di lugá pa lugá pa proklamá e mensahe di shelu. Dor di milnan di bosnan rònt mundu e spièrtamentu lo wòrdu duna.

Milagernan lo sosodé, e hendenan malu lo kura, i siñalnan i milagernan lo sigui e kreyentenan. Satanas tambe lo traha, ku milagernan di engaño, hasta baha kandela for di shelu den bista di hende. Revelashon 13:13. E habitantenan di tera mester tuma nan posishon. E mensahe lo wòrdu hiba no asina tantu dor di argumentunan pero dor di e konvikshon fuerte di e Spiritu di Dios.

E argumentunan a wòrdu presentá kaba. E simianan a wòrdu planta kaba, awor ta tempu pa e krese i duna fruta. E publikashonnan parti dor e mishoneronan ya a ehersé nan influensha, aunke hopi ku nan mentenan a wòrdu impreshoná, a wòrdu stroba pa komprondé e bèrdat kompletamente i pa obedesé. Awor e rayonan di lus ta drentando tur kaminda, e bèrdat ta wòrdu mira mas kla, i e yunan honesto di Dios ta kibra e bant ku a mara nan. Bantnan di famia, bantnan di misa ta pèrdè nan poder. E bèrdat ta mas bunita ku tur otro kos. Aunke algun agentenan ta kombiná pa bai kontra e bèrdat, un grupo grandi ta tuma nan posishon i para na banda di Dios. *The Great Controversy* p. 612

"Di tal manera e mensahe di e terser angel lo ta proklamá. Segun e tempu aserka pa e wòrdu duna ku poder mas grandi, Señor lo obra dor di instrumèntnan humilde guiando mente di esnan ku a konsagrá nan mes na Su servisio. E obreronan lo ta kualifiká mas tantu dor di ungementu di Su Spiritu Santu ku dor di entrenamentu di institushonnan literario.

Hòmbernan di fe i orashon lo ta obligá pa sali ku zelo santu deklarando e palabranan ku Dios a duna nan. E pikanan di Babilonia lo wòrdu habri. E resultado temeroso di ku ta forsa opservanshanan di e iglesia dor di outoridat sivil, e trampanan di spiritismo, e progreso sekretu pero rápido di e poder papal, ---- tur lo ta demaskará. Dor di e spiertamentunan solemne hende lo wòrdu lanta. Miles riba miles lo skucha kendenan nunca a tende e palabranan manera esakinan." *The Great Controversy* p. 606

"Asina poderoso Dios por obra ora hende entrega nan mes na kontròl di Su Spiritu." 8 T 20

Esaki lo ta e tempu ku e obra di e iglesia lo terminá den un vlam di gloria ku lo enlusa binter e mundu.

"E rapides di werlegt ta representá e spit ku kual e obra aki finalmente lo avansá na su terminashon." 5 T 754

Dios lo no por soportá mas. Ya Su huisionan a kuminsá kai na algun lugánan, i pronto e señal di Su malkontentu lo wòrdu sinti na otro lugánan tambe. Lo tin un seri di eventonan revelando ku Dios ta Maestro di e situashon. E bèrdat lo wòrdu proklamá den un lenguahe kla i sin eror. Manera un pueblo nos mester prepará e kaminda di Señor bou di e guiansa di e Spiritu Santu. E mensahe mester wòrdu duna den tur su puresa" 9 T 96

Aunke e number di e yunan di Israel ta manera santu di laman, un remanente lo wòrdu salba. Pasombra E lo kaba e trabou i lo hasié kòrtiku den hustisia pasombra un trabou kòrtiku Dios lo hasi riba mundu. I Manera Isaias a bisa promé: 'Si e SEÑOR di ehérsitonan no a laga algun sobreviviente pa nos, nos lo tabata manera Sodoma, nos lo tabata manera Gomora.' Isaias 1:9

'Pasobra lo e terminá e obra den hustisia kumpliendo Su Palabra ku liheresa riba tera.' Romanonan 9:28

"E mensahe di hustisia di Kristu mester wòrdu zona for di un banda di tera te na e otro pa prepará e kaminda di Señor. Esaki ta e gloria di Dios ku ta sera e obra di e terser angel." 6 T 19

"E palabranan di Kristu dor di e profeta di evangelio, kual ta resoná den e Sermon riba e Seru ta pa nos den e ultimo generashon aki: Lanta, lombra pasobra bo lus a yega i e gloria di

Señor ta riba bo' Isaias 60:1 Si bo mira Su bunitesa ku ta prinsipal entre dies mil i esun `kompletamente amoroso' si bo alma a bira radiante den presensha di Su gloria, na bo palabra aki for di e Maestro ta manda." Thought from the Mount of Blessing p. 43

"Den skuridat di e mundu Su lus di gloria mester ta tira, e lus di Su bondat, miserikòrdia i bèrdat." Christ Object Lesson p. 415

"Mi tabata mustra na e tempu ora e mensahe di e terser angel tabata serando. E poder di Dios a baha riba Su pueblo; nan a kumpli nan trabou i tabata prepará pa e ora di prueba nan dilanti. Nan a risibí e ultimo yobida òf refreskamentu for di presensha di Señor i e testimonio bibu tabata reviva. E ultimo gran spièrtamentu a zona tur kaminda i a lanta i pone raba riba e habitantenan di tera ku no a risibí e mensahe." Early Writings p. 279

"Esnan ku vense mundu, karni i e diabel lo ta esnan eskohí pa risibí e seyo di Dios bibu." Testimonies to Ministers p. 445

"Djis promé ku nos a drent'é (e tempu di tròbel) nos tur a risibí e seyo di e Dios bibu. Anto mi a mira e kuater angelnan stop di tene e kuater bientunan. I mi a mira hamber, pestilensha i spada, nashon a lanta kontra nashon, i hinter e mundu tabata den konfushon." 7 SDABC 968 (Komentario di Elena White riba Revelashon 7:1-3)

"E tèst final tabata trese riba mundu i tur ku a komprobá nan mes fiel na e presepto divino a risibí e seyo di e Dios bibu. Anto Hesus ta stop su interseshon den e santuario ariba." The Great Controversy p. 613

E SERAMENTU DI PROBASHON

"Mi a mira angelnan ta bai bini den shelu. Un angel ku un pen den su banda (zij) a regresá for di tera i a reportá na Hesus ku su trabou tabata kumpli i ku e santunan tabata kontá i seya. Anto mi a mira Hesus, ku tabata ministrando dilanti di e arka konteniendo e dies mandamentunan tira e senisero abou. Ela a hisa Su mannan i ku un bos duru a bisa, 'E ta kumpli'. I tur e ehérsito angelikal a kita nan korona segun Hesus a hasi e deklarashon solèm, 'Esun ku ta hasi inhustisia lag'é sigui hasi inhustisia, esun ku ta shushi e sigui shusha su kurpa ainda; i esun ku ta santu lag'é keda santu ainda.'

Kada kaso a wòrdu disidí pa bida òf pa morto. Miéntras Hesus tabata ministrando den e santuario, sentensianan pa e hustunan morto a tuma lugá i despues pa e hustunan bibu. Kristu a risibí e Reino dor di hasi ekspiashon pa Su pueblo i kita nan pikanan. E ophetivonan di e reino a wòrdu kumpli. E matrimonio di e Lamchi a tuma lugá. I e reino i e grandesa di e reino bou di hinter shelu a wòrdu duna na Hesus i e erederonan di salbashon i Hesus lo mester reina komo e Rei di reinan i Señor di señornan.

Segun ku Hesus a sali for di e lugá Santísimo, mi a tende e zonido di e bèlnan ku tin riba Su paña i segun ku E tabata bai un nubia di skuridat a tapa habitantenan di e tera. Anto no tabatin ningun mediator entre hende kulpabel i un Dios ofendí.

Anto mi a mira Hesus kita Su bisti saserdotal i a bisti Su mes ku bisti di Rey. Riba Su kabes tabatin hopi koronanan, un korona den un korona. Rondoná dor di ehérsitonan angelikal, El a bandoná shelu. E plaganan tabata kayendo riba e habitantenan di e tera. Algun tabata denuncia Dios i maldishonando. Otronan a kore bai serka e pueblo di Dios i a roga nan kon pa skapa Su huisio. Pero e santunan no tabatin nada pa nan

E ultimo lágrima pa e pekadornan tabata yora, e ultimo orashon hasi, e Ultimo karga hiba, e ultimo spièrtamentu duna.... Ku un

distinshon teribel nan a tende e palabranan, Muchu lat. Muchu lat. Early Writings p. 281

HASI BON PROBECHO DI E TEMPUS

Lo nos no hasi awor loke miles lo deseá ku nan lo a hasi ora e plaganan kuminsá kai? Anto lo ta muchu lat pa someté sin reservashon i sinseramente resa pa un boutismo diario dje Spiritu Santu. Awor ta e ora pa pone e ami un banda i hasi preparashon rápido pa e Ultimo Yobida. "Pakiko nos no tin hamber i set pa e don di Spiritu, siendo ku esaki ta e medio dor di kual nos ta risibí poder? Pakiko nos no ta papia di dje, resa pe, prediká over di dje?" 8 T 22

"Pakiko nos no ta tira nos mes na e trono di gracia, komo representantenan di e iglesia i for di un kurason kibra i un kurason di kontrikshon hasi suplikashon sinsero pa e Spiritu Santu por ta basha riba nos di ariba?" Testimonies to Ministers p. 64

"Ohalá ku nos komo un pueblo por humiliá nos kurasonnan dilanti Dios i rog'E pa e bashamentu di e Spiritu Santu." Christ Our Righteousness p. 165

"Realisando kada momentu ku bo mester tin presensia di e Spiritu Santu. Testimonies to Ministers p. 310

Nos mester wòrdu santifiká dor di Spiritu Santu kada ora di dia, sino nos lo ta kohe den trampa dor di e enemigu i nos almanan pone na peliger." Testimonies to Ministers p. 223

Nos tarea no ta djis pa kontinuá den servisio di Señor hasiendo ganashinan grandi aña tras aña. Ya ta ora ku nos mester laga Dios usa nos rápido pa kaba e obra dor di e poder grandi di Su Spiritu. "Sinseridat intenso mester poderá di nos awor." 9 T 44

Esaki ta e ora di gran peliger. Ta un karakter santu ta e uniko ku lo sobrebibí e shete ultimo plaganan.

E nesesidat vital — e nesesidat mas grandi di e iglesia remanente no ta mas miembranan, mas predikadornan, mas sèn, òf mas facilidatnan. E nesesidat di mas grandi ave ta hòmer i mubernan yena ku e Spiritu. Nos tin institushonnan grandi. Nos tin e mehor publikashonnan di mundu.

Nos tin e mehor organisashon. Pero pa terminá e obra di Dios, nos mester risibí diariamente un boutismo di nobo die Spiritu Santu. Ken lo respondé sin reservashon na e poderoso desafío di e ora kritiko di historia di e mundu?

PELIGER NOS DILANTI

"Si satanas no por tene almanan mara den eis di indiferensha, lo e trata pa pusha nan den e kandela di fanatismo." 5 T 644

"Ningun ku ta demanda santidat ta santu di bèrdat. Esnan ku ta inskribí komo santu den e bukinan di shelu no ta konsiente di e echu i ta e ultimonan pa broma di nan bondat." The Faith I Live By pag. 140

"Esnan ku en bèrdat ta buskando pa perfekshoná karakter kristian nunca lo permit' e pensamentu ku nan ta sin pika. Nan bida por ta inreprochabel, nan lo por ta representantenan bibu di e bèrdat ku nan a aseptá; pero mas nan disiplina nan mente pa permanesé riba e karakter di Kristu mas serka ku nan yega na Su divino imágen, mas klaramente nan lo mira su perfekshon sin mancha y mas profundo nan lo sinti nan defektonan." The Sanctified Life p. 7 "Mas serka bo yega na Hesus mas kulpabel lo bo paresé den bo mes bista; pasobra bo bista lo ta mas kla i bo imperfekshonnan lo ta mira den kontraste hanchu i distinto di Su naturalesa perfekto." Steps to Christ p. 64

UN TRAMPA DI SATANAS

"Segun e fin aserka, e enemigu lo traha ku tur su poder pa trese fanatismo meimei di nos." Gospel Workers p. 316

"Teorianan falsu, bisti ku lus, lo wòrdu presentá na e pueblo di

Dios. Asina satanas lo trata pa engañá, si ta pusibel, hasta esnan skohé." 8
T 293

"Segun nos aserka e tempu di fin, mentira lo ta asina bruha ku bèrdat, ku ta solamente esnan ku tin e guiansa di e Spiritu Santu lo ta kapas di distinguí bèrdat for di eror." 7 SDABC 907 (Komentario di Elena White riba Kolosensenan 2:8)

"Maestronan falsu por parse di ta masha seloso pa e obra di Dios, i por gasta medionan pa trese nan teorlanan dilanti mundu i e iglesia, pero segun nan ta meskla eror ku bèrdat, nan mensahe ta un desepshon i lo guia almanan den kamindanan falsu. Nan mester ta enfrentá, oponé, no pasobra nan ta hòmbrenan malu pero pasobra nan ta maestronan di mentira i ta tratando pa pone mentira riba e marka di bèrdat. "

Testimonies to Ministers p. 55

"Dios tin un iglesia riba tera, ku ta Su pueblo eskohí, ku ta warda Su mandamentunan, E ta guiando, no spruitnan desviá, no un aki i un aya, pero un pueblo. E bèrdat ta un poder ku ta santifiká pero e iglesia militante no ta e iglesia triunfante. Tin yerba shimaron meimei di e trigo. 'Bo kier anto pa nos bai i rekohé nan?' e esklabo a puntra. Ma E la kontesta: 'No, pa no sosodé ku miéntas boso ta rekohé e yerba shimaron, boso ranka e trigo tambe huntu kuné. (Mateo 13:28,29)'. E nèt di e evangelio lo no hala bon piska solamente pero tambe piskánan malu i Señor sa presis kua ta esnan di dj'E. TM p. 61

Ta nos deber individual pa kana humilde dilanti Dios. Nos no mester buska ningun mensahe nobo straño. Nos no mester pensa ku esnan skohe di Dios ku ta trata na kana den e lus ta Babilonia. E iglesianan denominashonal kai ta Babilonia. Babilonia ta promové doktrinanan venenoso, e biña di eror. E biña di eror ta traha di doktrinanan falsu manera e inmortalidat di e alma, e tormento eterno di e perdínan, ninga e pre-eksistensia di Hesus promé ku Ela nase na Bètlehèm i halsa e promé dia di siman riba Dios Su dia santu i santifiká.

Esaki i mas erornan similar ta wòrdù presentá na e mundu dor di vários iglesianan, ta p'esei Skritura tin rason di bisa: Pasobra tur e nashonnan a bebe di e biña di e pashon di su inmoralidat.' Ta e pashon ku ta wòrdù krea pa doktrinanan falsu.

I ora reinan i presidentenan bebe e biña di e pashon di su inmoralidat nan lo haña rabia riba esnan ku no ta den harmonia ku e kambionan falsu i satániko di e bèrdat ku ta eksaltá e sabat falsu i ta hiba hende pa trapa esun bèrdat di Dios. TM 61,62

Esnan ku ta tenta pa yuda satanas dor di krittika e lidernan òf e rumannan laiko den e iglesia remanente lo hasi bon pa pensa riba e konsebo di e sirbidó di Dios den e siguiente sitanan:

"Nada mas den e mundu aki ta asina presioso pa Dios manera Su iglesia. Nada no ta wòrdù protehá ku asina yalusí pa Dios. Nada ta ofendé Dios manera e echu ku ta dañá influensha di esnan ku ta hasiendo Su servisio. Lo E yama na kuenta tur ku yuda satanas den su obra pa krittika i deskurashá." 6 T 42

"Señor ta biba i ta reina. Pronto lo E lanta den mahestat pa tembla e tera. Un mensahe speshal mester lanta awor, un mensahe ku lo bora drenta den e skuridat spiritual i lo konvensé i kombertí almanan. `Hasí lihé, hui pa bo bida', ta e gritu ku esnan ku ta biba den pika mester tende. Nos mester ta terriblemente sinsero. Nos no tin tempu pa pasa den kritikamentu i akusashonnan.

Laga esnan ku a hasí esaki den pasado kai riba nan rudianan den orashon i laga nan tene kuidou kon ta pone nan palabranan i nan plannan na lugá di Dios Su palabra i Dios Su plannan" 8 T 36

E inklinashon pa krittika mester ta un señal di peliger pa nos, pasobra ora e Spiritu Santu purifiká i transformá nos, nos kurasonnan lo ta yena ku amor pa Dios i pa nos rumannan.

"E bèrdat risibí den e kurason lo hasi un trabou di renobashon den e alma. Esnan ku ta stima Hesus lo stima e almanan pa kual El a muri.

E bèrdat planta den e kurason lo revelá e amor di Hesus i e poder transformadó. Kualkier kos brutu, zür, kritiko, dominante, no ta di Kristu, pero ta bini di satanas.

Hende friu, sin kurason, ku falta di simpatia ta bandonando e kampamentu di Israel. Si e maldatnan aki sigui permanesé manera den pasado, nos iglesianan lo ta den un kondishon deplorabel.

Kada maestro di e bèrdat mester tin den su karakter e prinsipionan di Kristu. Lo no tin rabiamentu, zundramentu, ekspreshonnan di despresio di parti di ningun hende ku ta kultivá e grasianan di kristianismo. E hende ta sinti ku e tambe mester tuma parti den e naturalesa divino i e ta hasi tur esfuerso pa e por wòrdu yená di e fuente di gracia selestial sino e lo pèrdè e bondat humano for di e alma. Nos mester stima hende pa amor pa Kristu. Ta fásil pa e kurason natural pa stima algun faboritonan i pa ta bon ku esakinan pero Kristu ta invitá nos pa stima otronan manera E a stima nos. 'Ma e sabiduria di ariba primeramente ta puru, despues pasífiko, suave, rasonabel, yen di misericórdia i bon fruta, imparsial, sin hipokresia. I e simia, kual su fruta ta hustisia, ta wòrdu sembrá den pas dor di esnan ku ta hasi pas.'" Testimonies to Ministers p. 156

Miéntas ku Dios tin un iglesia, E lo tin esnan ku lo grita duru i lo no spar ningun esfuerso, ku lo ta Su instrumèntnan pa desaprobá egoismo i pika, ku lo no bek pa deklará tur e bèrdatnan di Dios sea ku hende tende òf no.

Mi a mira individualnan lo lanta kontra e testimonionan. E ta bai kontra nan sintimentunan natural.

Nan lo skohe pa palabranan dushi den nan ku ta na pas ku nan orea. Mi a mira e iglesia den un kondishon mas peligroso ku nunca promé e tabata.

Religionnan eksperimental ta konosí pa algun. E sakudimentu mester tuma lugá pa purifiká e iglesia.

Miéntras ku ta bèrdat ku mayoria di e iglesia remanente ta den un estado tibio i hopi lo ta sagudí afó, tòg ta eksistí den e iglesia un grupo fiel ku lo skucha na e konseho di Kristu, e Berdadero Testigu. Nan lo ta prepará pa e último yobida, kompartí den dunamentu di e mensabe ku un gritu duru i lo ta kela pa trasladasbon.

Predikadornan no mester tin eskrupulo pa prediká e bèrdat manera e ta wòrdu haña den e Palabra di Dios. Laga e bèrdat kòrta. Mi a wòrdu muestra dikon hopi ministernan no tin éksito, pasombra nan tin miedu pa herida e hendenan su sintimentunan, nan tin miedu di ta muchu brutu ku e hendenan i nan ta baha e standartenan di e bèrdat i si ta posibel hasta skonde e pekuliaridatnan di nos fe. Mi a mira ku Dios lo no duna éksito na e ministernan ei. E bèrdat mester wòrdu hasi kla i e nesesidat pa tuma desishon mester wòrdu urgí. Ora wardadornan falsu ta yora 'Pas' i ta prediká mensahenan ku ta dushi pa oido, e sirbidónan di Dios mester grita duru i hasi tur esfuerso i laga e resultado den man di Dios. 2 SG p. 284 *Esaki ta e iglesia remanente. Dios lo no guia un otro movimentu. Ora e fielnan duna e mensabe ku gran poder durante e Ultimo Yobida, un gran multitud lo sali for di e iglesianan kaí, duna testimonio pa nan Maestro i triunfá ku e rediminan riba e laman di glas.*

Dios tin un iglesia. E no ta e katedral di mas grandi, e no ta un estableimentu nashonal ni e ta vários denominashonnan pero e ta e pueblo di Dios ku ta stim'E i ta warda Su mandamentunan.

‘Kaminda dos òf tres ta reuní huntu den Mi nòmber, ei lo mi ta meimei di nan.

' Kaminda Kristu ta, hasta kaminda tin un par so, esaki ta Kristu Su iglesia pasombra e presensia di Esun Santu ku ta biba eternamente so por forma un iglesia.

Kaminda dos òf tres ta presente ku ta stima i ta obedesé e mandamentunan di Dios, Hesus ta einan, sea ku e por ta e lugá di mas desolá riba tera, den mondi, den suidat òf den e murayanan di prison.

E gloria di Dios a penetrá e murayanan di prison yenando ku rayonan glorioso di e lus di shelu e sel di mas sukú.

Su santunan por sufri, pero nan sufrimentu nan lo ta, manera e apòstelnan di Antes, di kompartí nan fe i gana almanan pa Kristu i glorifiká Su nòmber santu.

E oposishon amargo ekspresá pa esnan ku ta odia Dios Su standartenan di hustisia moral lo no por i lo no sakudí e almanan bon funda ku ta kere kompletamente den Dios. 17 MR 81

Awor ta e ora pa prepará pa e Ultimo Yobida. I nos mester rekordá diariamente ku e obra di preparashon mester tuma lugá bou di e Promé Yobida.

TA NESESARIO UN SAKRIFISIO TOTAL

"Mi bista tabata kita for di e gloria i mi tabata mustra e remanente riba e tera. E angel a bisa nan, `Lo bo skapa e shete ultimo plaganan? Lo bo bai den gloria i gosa di tur ku Dios a prepará pa esnan ku ta boluntario pa sufri pa Su kousa? Si ta asina, bo mester muri asina ku bo por biba. Prepará, prepará, prepará. Boso mester tin un preparashon mas grandi ku boso tin awor...."

Sakrifiká tur na Dios. Pone tur riba Su altar, bo mes, propiedat, i tur, un sakrifisio bibu. Pa drenta den gloria ta eksigí tur...!

Shelu lo ta basta barata, si nos optené dor di sufrimentu. Nos mester ninga e ami hinter kaminda, muri na ami diariamente, laga Hesus so aparesé i tene Su gloria konstantemente na bista. Mi a mira esnan ku a aseptá e mensahe den lat lo mester sa kiko ta nifiká sufri pa amor pa Kristu, nan lo pasa dor di pruebanan ku lo ta skerpi i ku lo kòrta pa nan por wòrdu purifiká dor di e sufrimentu pa nan por risibí e seyo di e Dios bibu. Nan mester pasa dor di tempu di tròbel asina ku nan por mira e Rei den tur Su bunitesa i biba den e presensia di Dios i di e angelnan puru i santu. `Ora mi a mira kiko nos mester ta pa heredá gloria i despues mi a mira kon Hesus a sufri pa e gana pa nos bek tur e rikesa i e herensia, mi a resa pa nos por ta batisá den e sufrimentunan di Kristu, pa nos no entrega dilanti pruebanan pero karganan ku pasenshi i goso, sabiendo kiko Hesus a sufri pa dor di Su pobresa i sufrimentu nos por ta riku.

"E angel a bisa: Ninga e ami, bo mester hasi lihé.' Early Writings, pp. 66,67

`Nos no por keda tene na e ami i drehta den e Reino di Dios.' Thought from the Mount of Blessings, p. 143

Pidi Señor pa revelá na bo `bo ami', pone bo mes bou di e Su wowonan investigativo i ora E investigá bo kaso lo bo mira ku bo a hasi eroran grandi i loke bo a suponé ku tabata kosnan ménos importante na lugá di esei tabata aktonan ofensivo den bista di shelu. Lo bo mira ku tin un nesesidat desisivo di un transformashon total di karakter. Lo bo realisá ku bo mester pone un banda e aktonan malbado i koperá ku Dios i e angelnan selestial pa ministrá na esnan ku mester ta herederonan di salbashon. E ami mester muri. Kada práktika, kada habitó ku tin un tendensia malu, kon inosente e akto ei por ta dilanti mundu, mester wòrdu bringa te ku e wòrdu vense, pa e agente humano por ta perfekto den karakter manera e Modelo Divino. (That I may Know Him, p. 237

"Nos futuro felisidat eterno ta dependé riba teniendo nos humanidat, ku tur su kapasidat i podernan trese bou di obedensia na Dios i pone bou di kontról di Divinidat

Hesus a bira hende asina e ku E por intermediá entre hende i Dios asina ku E por restorá na hende e mente original ku a wòrdu pèrdí den Eden dor di e tentashonnan di satanas....

`Dor di Hesukristu kada hende por vense na su fabor i riba su mes kuenta, para den su mes individualidat di karakter ."That I May Know Him, p. 291 Den duna nos Su Spiritu, Ela duna nos Su mes. 7 T 273

`Señor ta deseá ku kada un di nos por ta desidido di ta serio i sinsero.'Selected Messages, book 1, p. 98

"Sinseridat intenso mester poderá di nos awor." 9 T 44

`Bo no por ta demasiado sinsero.' 6 T 16

"Resa pa e energianan poderoso di e Spiritu Santu, ku nan poder aktivo, rekuperativo i transformador por kai manera un shòk eléktriko riba e alma paralisá, poniendo kada nervio bati bek ku bida nobo, restorando hende kompletu for di su estado morto, mundano, sensual, na spiritualidat sano. Di tal manera lo bo bira partisipante di e naturalesa divino skapando e korupshon ku ta den e mundu pa kousa di deseo; i den bo alma lo tin reflekhon di imágen di Esun dor di ken Su sotanan bo ta kura." Ibid, vol. 5 p. 267

"Pa ser purifiká i keda puru, Adventistanan di Shete Dia mester tin e Spiritu Santu den kurason i den nan hogarnan. Señor a duna mi lus ku ora e pueblo di Israel di awe humiliá nan mes dilanti dj'E, i limpia e tèmpel di alma di tur shushedat lo E skucha nan orashon na benefisio di e enfermonan i lo bendishoná nan den e uso di Su remedinan pa enfermedat." Counsels on Health p. 138

"Na e kurason ku ta purifiká, tur kos ta kambia. Transformashon di e karakter ta e testimonio na mundu di un Kristu ku ta biba paden.

E Spiritu di Dios ta produsí un bida nobo den e alma, tresiendo e pensamentunan i deseonan na obediensia ku boluntat di Kristu i e hendenan paden ta wòrdu renobá den e imágen di Dios." Prophets and Kings p. 233

"Tur loke e apóstelnan a hasi, kada miembro di iglesia awe mester hasi." 7 T 33

"Diariamente nan tabata resa pa un provishon fresku di gracia, asina ku nan por yega mas i mas serka perfekshon. Bou di e obra di e Spiritu Santu, hasta esun mas debil dor di ehersé fe den Dios a siña pa mehorá su podernan duná i pa ta santifiká, refiná i bira mas digno. Segun den humildat e someté na e influensha di e Spiritu Santu, e ta risibí di e plenitut di e Divinidad i ta wòrdu moldia den semehansa di e Divino. E lapso di tempu no a trese ningun cambio den e promesa na Hesus Su partida di manda e Spiritu Santu komo Su Representado. No ta pa motibu di ningun restriksion di parti di Dios ku e rikesanan di Su gracia no ta baha den mundu riba hende. Si e kumplimentu di Su promesa no ta wòrdu mira manera mester ta, ta pasombra e promesa no ta wòrdu apresia manera mester ta. Si tur ta boluntario, tur lo ta yená ku e Spiritu Santu." The Acts of the Apostles, pp. 49,50

"Segun e agensia humano someté su mes na e boluntat di Dios, e Spiritu Santu lo hasi impreshon riba kurason di esnan na ken e ta ministra." Counsels on Health p. 437

"Nada ta mas nesario den nos obra ku e resultado práktiko di komunion ku Dios. Nos mester demostrá den nos bida diario ku nos tin pas i sosiegu den e Salbador.

Su pas den e kurason lo lombra den e kara. Lo e duna na e stèm un poder ku ta persuadi. Komunion ku Dios lo enoblese e karakter i e bida.

Hende lo rekonosé nos, manera e promé disipelnan, ku nos tabata ku Hesus.

Esaki lo impartí na e obrero un poder ku nada otro por duna. e no mester permití su mes ku e poder aki wòrdu hòrta for di dje." The Ministry of Healing, p. 512

POSIBILIDATNAN SIN LIMITE

"Esun ku stima Kristu mas tantu lo hasi mas tantu bon. No tin limite na utilidat di un ku dor di pone e ami un banda pa traha lugá pa obramentu di Spiritu Santu riba Su kurason i biba un bida kompletamente konsagrá na Dios." The Desire of Ages pp. 250, 251

"Na kada un ku ofresé su mes na Señor pa servisio, sin tene nada atras, ta duna poder pa kumplimentu di resultado sin midi." The Ministry of Healing, p. 160

ATA MI TA PARA NA PORTA I TA BATI

"E pika mas grandi di esnan ku ta profesá di ta kristian ta ku nan no ta habri e kurason pa risibí e Spiritu Santu." 2 SM p. 57

"Si bo habri e porta di e kurason, Hesus lo yena e bashí dor di e don di Spiritu Santu anto bo por ta un predikador bibu den bo hogar, den iglesia i den mundu." COR 146

"Tur loke e apòstelnan a hasi, kada miembro di iglesia awe por hasi. I nos mester traha ku mas fervor, pa ta kompañá dor di e Spiritu Santu den un midi mas grandi, segun e oumento di maldat ta demanda un yamada desidido na arepentimentu.

Na e tempu aki, ora fin di tur kos ta serka na man, e selo di iglesia

no mester surpasá hasta esun di e iglesia primitivo? E zelo pa e gloria di Dios ku a move e disipelnan na bira testigunan ku gran poder di e bèrdad. Lo e poder di Dios no mester ta wòrdu revelá awe ku mas poder ku den tempu di e apòstelnan?" 7 T 33

Dios Su obra mester bai dilanti ku poder. Nos mester di e boutismo di Spiritu Santu. Nos mester komprondé ku Dios lo pone den e fila di Su pueblo hòmbènan ku abilidat i influensha ku lo tin ku tuma nan parti den atvertí e mundu. No ta tur den mundu ta biba sin lei den pika.

Dios tin hopi milnan ku no a hinka rudia pa Baal. Tin hòmbèr i muheman ku temor di Dios den iglesianan falsu. Si no tabata asina nos lo no mester a parti e mensahe:

`El a kai! Ata e gran Babilonia a kai'. `Sali afó Mi pueblo.' Hopi di esnan di kurason honesto ta buska e rosea di bida for di shelu. Nan lo rekonosé e Evangelio ora e wòrdu trese pa nan den tur su bunitesa i simplesa manera e ta wòrdu presentá den Dios Su palabra. 9 T 109-111. (1909)

III. LISTA DI ABREVIATURANAN USA DEN E TRADUKSHON AKI

- CH Counsels on Health
- CM Consejos para los Maestros
- COR Christ our Righteousness
- KH That I may know Him (A fin de conocerlE)
- SM Selected Messages, Book 1,2
- OHC Our high calling (Nuestra elevada vocacion)
- RH Review and Herald
- SC Suffering of Christ
- SDABC SDA Bible Commentary, volume 1-7
- SG Spiritual Gifts, volume 1-4
- T Testimonies, volume 1-9
- TM Testimonies to Ministers
- DA The Desire of Ages
- CET Christian Experience and Teaching of E. G. White
- MR Manuscript Releases